

In memoriam beati Brunonis

et bñdicere valeam⁹. Per eundē dñm nostrū iesum christū filiū
tuū: qui tecū viuit et regnat in vnitāte eiusdē spūs sancti deus:
per omnia secula seculorū. Amē. Finis vite beati Brunonis
cōfessoris: primi institutoris hui⁹ nri ordinis carthusiensis.

Sanctus Bruno primus patriarcha no
stri ordinis composuit hos versus.

Mortales dominus cunctos in luce creauit:
Et capiant meritis gaudia summa poli.
Felix ille quidem qui mentem iugiter illuc
Dirigit atq; vigil noxia queq; cauet.
Nec tamen infelix sceleris/ quem penitet actū
Quiq; suum facinus plangere sepe solet.
Sed viuunt homines tanq; mors nulla sequatur
Et velut infernus fabula vana foret.
Cum doceat sensus/ viuentes morte resolui.
Atq; heredi penas pagina sacra probet.
Quas qui non metuit infelix proorsus et amens
Viuat/ et extinctus sentiet ille rogam.
Sic igitur cuncti mortales viuere certent:
Et nihil inferni sit metuenda palus.

Pro funebribus de trāsitu diui Bruno
nis deuotorū cenobitarū versib⁹ Henrici lupuli ca
nonici Bernēsis/ carmē phaleratū endecasyllabū.

Abscedat criticus nimis seuerus.
Et limam iaciat politiozem.
Qui ronchum solitus grauem mouere
Fastidit faciles/ leuesq; versus.
Seu qui non oleant maronianum:
Masonis venerem: aut lyram catulli.
Non lenocinium/ poeticive
Fastus/ et phalerata verba lector.
Solis delitie auribus iocunde
Sunt hic/ est humilis/ piusq; sermo.
Et qualis decuit viros pudicos.
Sanctis officijsq; mancipatos.
Tristem conqueritur sacri recessum
Brunonis toties plicata carta.

Esto restituit datum talentum
 Usuris domino bonus minister.
 Esto iam fruitur beatitate:
 Immarcessibilem gerens coronam.
 Esto iam facie videt serena
 Nunq̄ visa oculo: nec aure sensa:
 Et que cor hominis nec attigerunt:
 Esto perspicuus stola perenni
 Inter milia mille candidata:
 Regi concinit in throno sedenti.
 Esto nectareis inebriatus
 Eluit spiritus in deo fluentis:
 Celesti ambrosia super refectus.
 Humanum tamen hoc pie ferendum:
 Si quem non dubitet polo leuatum.
 Tantum quisq; suo patrem citatus
 Captu funereas agens querelas:
 Adgrasse hinc gemitu fleat modesto.
 Nam dum carne animū docet grauate
 Celesti similem actitare vitam:
 Eunctorum fuerat typus decusq;
 Et clarum specimen monasticorum.
 Ergo hunc carta ubi nunciat relata
 Defunctā: obstupuit: dolet: gemiscit.
 Plangit relligio sacrata passim:
 Laternam putido latere busto.
 Ador pompam celebri parando ritu
 Atras instituit sacrum per aras.
 Auget versiculis parum politis:
 Et quisquis potuit cita minerva:
 Obiectum sibi codicem volutum.
 Hos profert titulis liber notatis
 Non vano studio simul redactos.
 Quos si forte legas: nihil queraris:
 Si vel syllaba. pesve claudicant.
 Si non ad trutinam state poesis
 Librati. sapiant scabram scobinam:
 Adireis mage sedula caterua
 Impensum obsequium patri beato.

Inmemoriam beati Brunonis

Affectu exhibitos pio apparatus.
Direris mage dexteram supernam
Brunonem e misera lue attrahentem.
Ad summi solium nitens olimpi.
Lunctis fidus vbi stat aduocatus.
Tutele modo se illius dicarint.
Nec retro aspiciant relicto aratro.

Ad sepulchrum beati Brunonis Epitaphium.

Primus in hac eremo christi fundator ouilis
Promerui fieri. qui tegor hoc lapide.
Bruno mihi nomen: genitrix alemania: meq;
Transtulit ad calabros. grata quies eremi.
Doctor eram: prece christi: vir notus in orbe.
Desuper illud erat gratia. non meritum.
Carnis vincla dies octobris sexta resoluit.
Spiritus requiem qui legis ista pete.

Item aliud.

Laudandus Bruno fuit in multis et in vno.
Vir fuit equalis vite: vir in hoc specialis.
Semper erat festo vultu: sermone modesto.
Cum terrore patris monstravit viscera matris.
Nullus eum magnum. sed mitem sensit vt agnum.
Proxus in hac vita verus fuit israelita.
Hunc deus a penis rape. sedibus infer amenis.

Titulus sancte Marie de here- mo que dicitur Turris.

In primo loco. quem primatem. et caput in ecclesia credimus.
et confitemur. apostolice sedis presulem: totamq; illam princi-
palem curiam: humiles heremite calabrie monasterij sancte dei
genitricis marie: Cuius fundator pater Bruno fuit. et prela-
tus: dum in carne viueret: debita subiectione veneramur. et sa-
lutamus. sanctiq; patris nostri Brunonis obitu pridie nonas
Octobris denunciam⁹. vt meritis eoru et precibus adiuetur
apud deum. Salutamus quoq; vniuersam sancta ecclesiam. in
ordinibus. et professionib⁹ suis. canonicos. monachos. here-
mitas.

In memoriam beati Brunonis

mitas : deo dicatas sanctas virgines . Quibus et omnib⁹ spiritali presentia prosternimur : vt defuncti patris nostri memores esse velint : vt dilecte illi anime / si adhesit macula (cum non sit iustus / qui non peccet) multiplicatis intercessoribus / et precum instantia detergat^r et transeat ad requie . Precamur quoq[;] vt quorumcunq[;] locorū congregationes : aut persone religiose eius agant memoriam : se nominatim non pigeat in hac carta subscribere . Separatim vō / si qui volunt eius memoriam scriptam : et anniuersariam obseruare / scribantur vt congruam vicem singulis rependamus . prout pauci sufficimus . Et autem sciatis / quanta fiducia / quā certa spe liberationis eius preces fundatis : transitum illius vtilitatē breui titulo innotescimus : vt in sancta viri consummatione / veritatē et perfectionē transacte vite colligatis . Sciens quia venit hora eius : vt transeat ex hoc mundo ad patrem : cōuocatis fratribus suis . ab ipsa infantia singulas etates suas replicauit . et totius temporis sui scientia / et sententia dignum proclamauit . Postea fidem suam de trinitate / protracto / et profundo sermone exposuit et conclusit sic . Credo etiam sacramēta / que sancta credit et venerat^r ecclesia : et nominatim panem et vinum / que consecrantur in altari post consecrationem verum corpus esse domini nostri iesu christi / veram carnem / et verum sanguinem que et nos accipimus in remissionē peccatorū nostrorū : et in spe salutis eterne . Proxima die dominica / sancta illa anima carne soluta est . Prædie nonas Octobris . Anno domini millesimo centesimo primo . Orate pro eo et pro nobis peccatoribus . Fratrem nostrum harum litterarum latozem / obedientie gratia peregrinantem / vestre charitati commendamus . Valete .

Titulus fratrum montis amati.

C Notum autē facimus sanctitati vestre nos fratres de viuo / humiles habitatores montis amati : vna cum domino nostro priore hieronymo / in cōmuni statuisse / pro reuerendissimo charissimoq[;] Brunone : vestre congregationis patre : septem dieb⁹ pro eius venerabili transitu / vigiliis et missas celebrare / in matricula conscribere / anniuersarium diem agere . Oramus et obnixè petim⁹ : vt n^ri in om̄ib⁹ bonis v^ris memores sitis . Valete .

Titulus fratrum Fisciclēsis cenobij.

C Nos fisciclenses fratres / p reuerendissimo ac religiosissimo

In memoriā beati Brunonis

domino Brunone/ eminentissimo eremita/ supplicationū p̄ces
intētissime/ libētī valde animo/ creatori deo/ cū oblationis sacre
libamine p̄soluem⁹. Et eius venerabile nomē/ inter amātissima
frat̄z nostrorū nomina conscribem⁹: eiusq; anniuersariū diem/
put charitas vestra petit/ deuotius celebrabimus.

Titulus discipuli eius Rangerij.

Ego rangeri⁹/ viri venerabilis Brunonis quōdā discipul⁹:
precū supplicatiōes offerre desydero deo om̄ipotētī: vt qui illū
tanta honestauit gratia/ tanta pietate decorauit: scdm̄ sue fidei
meritū cōferat et coronā. Specialiter autē et pro debito specia-
li/ et amoris priuilegio/ anniuersariam ei⁹ memoriā exhibebo:
pro opportunitate rerum/ et temporis.

Titulus sancti Frigiani Lucensis ecclesie.

Mos humiles sc̄ti Frigiani/ Lucēsis ecclesie fratres/ p̄ tanto
viro et tam glorioso/ volūtarie officiū cōmemoratiōis impēdi-
mus: credētes nos apud deū/ eius sanctis cōmēdari meritis.

Titulus ecclesie Placentine.

Mos sanctissime M̄arie/ sancteq; Justine Placentine matricis
eccleie/ parui meriti fratres: p̄ tam venerabilis viri gloriosissima
aīa/ debitas ardētī animo exequias agere volūtarie p̄mittim⁹:
eiusq; sanctā memoriā in n̄ra matricula amātissime inserem⁹.

Titulus monasterij sancti Sepulchri.

Monasterij Sancti Sepulchri congregatio/ volūtarie adim-
plebit quod petitis.

Titulus ecclesie sancti Martini de petra.

Ecclie nos canonici sc̄ti Martini/ que dicit̄ petra/ gratāter
hanc chartā accipiētes: humiliq; mēte recordationē in n̄ra/ ma-
trricula conscribētes/ religiosi huiusviri Brunonis scilicet/ me-
moriā in die eius anniuersarij facientes.

Titulus Clusini cenobij.

Clusinū collegiū satis humile/ et exiguū/ pro Brunone religio-
nis socio/ insignisq; fidei magistro eximio/ ac suis orationibus
in vita sanctissimi viri patris nostri Benedicti dedito: merens
se fore destitutum tanti viri solatio/ diētim exorabit domi-
num: imponendo fratribus missas. et psalterium/ suum com-
plendo videlicet tricēnarium. Quem etiam inter nomina fra-
trum diligenter habebit impositum: eiusq; festum deuote ce-
lebrabit annuū: vt sibi det requiem michaele precāte perēnem.

In memoriam beati Brunonis

orationū vestrarū clypeo muniri optamus: quibus ascisci inter sanctorū cōsortia/nos et defunctos nostros minime dubitam⁹.

Titulus Segusiensis ecclesie.

¶ Auctoritas sanxit diuina/nec nō aplica habet sentētia: inuicē fratres portare onera: huius ergo auctoritatis dogmate fulcita segusiensis ecclesia nostra humilis et exigua / fundendo preces/dei exorat clemētiam: vt tanti religiosi viri anima/videlicet Brunonis functi/delictorū veniā cōsequat⁹/per hēni dei gratia.

Titulus prepositure Vlcensis.

¶ Nos humiles fratres sancti Laurentij vlcensis ecclesie/ que alio nomine plebs martyrum vocatur: pro tanto viro/ tamq; religioso: pro quo etiam totus orbis terrarum preces incessanter fundere debet: officium cum tricenario/ et deinceps anniuersarium eius/ diuina subministrante gratia persoluemus.

Titulus ecclesie Gratianopolitane.

¶ Gratianopolitana ecclia/ quā dñs Bruno monachus atq; eremita sibi eremū facere/ habitationēq; prius destinauit: q̄nto tunc gauisa est in ei⁹ presentia: eam nimirū existimās perpetuā habere: tanto nunc magis dolet pre ceteris/ sup tanti/ tamq; incōparabilis viri absentia. Quocirca officiū eius cōmemorationis assiduū vsq; tricesimū libēter psoluit. Panē q̄q; et vinū cū ceteris ferculis / que fratres eiusdē cōgregationis interim sumpserunt: eadē p eiusdem viri anima pauperib⁹ largita sunt. Diem vō migrationis sue/ quo animā suā memoratu dignā/ deo reddidit/ in catalogo suorū illustriū virozū ponēs: anniuersariam/ et celebrem se habere indefinēter repromisit. Nos itaq; humili prece vos precamur/ vt nostri sitis memores: quatenus orationum/ precumq; vestrarum possimus fieri participes.

Titulus eremi cartusie ppe Gratianopolim.

¶ Nos quoq; cartusie fratres / p̄ssimi patris nostri Brunonis/ viri valde clarissimi solatio miserabiliter pre om̄ib⁹ destituti: quid p eius dilecta anima/ et sancta faciam⁹: definire nequimus. Vincunt em̄ merita beneficiorū eius erga nos: quicquid possum⁹/ et valemus. Itaq; sicut p vnico patre/ ac dño nostro/ nunc/ et sine fine orabimus: et qualiscunq; missarum / ceteriq; spiritualis exercitiū consuetudo circa defunctos apud nos tenet: pro illius anima omni tempore tanq; filij persoluemus.

In memoriam beati Brunonis

Titulus fratrum Case dei subtus Lurnil/ lionem prope Gratianopolim et Cartusiam.

CMos fratres et serui seruorum Case dei habitates in cellula
bre Marie: que alio noie dicitur cornelio: et est vicina eremo car-
tusie: p scititate tanti viri / cuius doctrina / et exemplo stirps tanta i chris-
to fructificauit: septem diebus celebrabimus officium / et missas. et da-
bimus panem et vinum cum ceteris ferculis pauperibus: sicut vni ex fratri-
bus nostris. Et memoriam annuversariam eius in catalogo nostro scribemus.

Titulus fratrum sancti Ruffi in Costa sancti Andree.

CMos fratres ex canonicis sancti Ruffi comorantes in quadam cel-
lula sancti Andree / que vulgo costa vocatur: p piissimi anime Bruno-
nis p septem dies continuatos / matutinas / et missas celebrabimus.
Et sicut vni ex nobis p eius anime solatio prebendam dabimus. Et in
catalogo fratrum nostrorum nomen eius scriptum habebimus.

Titulus Athanacensis cenobii Lugduni.

Athanasensis vero ceteris diuino oraculo premonitus / pro
anima religiosi / deoque dilecti Brunonis / generale officium / simul
que preces / et orationes persoluit. et conscriptis cum eo fratribus
obsequia commendationis exhibuit.

Titulus maioris ecclesie Lugdunensis.

Sic mors prudenti parcat / velut insipienti
Prudens Bruno fuit / sed cito morte ruit.
Nempe iacet Bruno tumulo depressus in vno.
Qui quantum potuit / iusticie studuit.
Floruit et vita factus simplex eremita.
Si fuit iste reus: tu sibi parce deus.
Cui dantur frustra pro psalmis carmina pulchra.
Plus prodesset ei / ter miserere mei.

Titulus sancte Marie Blesensis.

Non est defendendum: nec patris morte dolendum.
Non obiit Bruno: qui partem fixit in vno.
Hunc deus excepit. comitem pia turba recepit.

Titulus sancti Petri Elimiacei. cenobii.

Iure dolor poni debet pro morte patroni.
Gaudeat et mater / gaudet vt ipse pater.
Fecimus obsequium: quod chartula iussit agendum.
Et nobis iudem vos faciatis idem.

In memoriam beati Brunonis

Titulus sancti Romani de ecclesia Lugdunensi. archidiaconi.

Domine tibi Bruno qui semper rege sub vno
Sacram seruasti legem: nec eam violasti
Finis adest vite: tristantur ab hoc eremite.
Sunt tibi post fatum summe data gaudia vite.
Non ergo pro te gemitus edant eremite:
Nam mundo viuens loca deserti subiisti:
Nunc celos nactus letaris in agmine christi.

Titulus sancti Vincetij cabillonensis. ecclesie

Cum bene preteritam testetur littera vitam:
Et cum posse mori nulli dematur honori:
Fletus deponi debent pro morte patroni:
Namque deus sedem superam sibi tradidit edem.
Nunc igitur fratres psalmos missasque canentes
Reddamus christo laudes et carmina nostro.
Et prosit cunctis quod nos adolebimus isti.

Titulus sancte Marie Beluensis. ecclesie

Fuit ab hac vita Bruno simplex eremita:
Tollitur arce poli terris super astra relictis.
Et sic cum christo mundo requiescit ab isto.
Orans pro cunctis viuentibus et modo functis.

Titulus sancti Anthonij Lonteiensis.

Quicquid habet mundus quicquid vitale vocat:
Si bene discreuit sub mobilitate moratur.
Unde sub incerta mutabilitate tenemur.
Res quoque non stabiles: et nos et nostra videmur.
Volutur in fatis: voluntur fata diurna
Ipsa quidem titubant: quasi commoueantur in vna.
Dulcedo mundi res labilis et metuenda.
Et sibi suppositi velut ignis flamma cauenda.
Accipiunt omnes tali dulcedine letum.
Dulcedo pereat que confert fel et acetum.
Recepit hec cunctos sibi grata compe iunctos:
Receptis tandem mercedem donat eandem.
Merces illa quidem datur omnibus exitus idem.
O miser omnis homo quamuis quod decipieris
Lernas: ipse tamen modicum curare videris.
Et probo deceptum telumen cordis habere.

In memoriam beati Brunonis

Obscuratur enim possis ne damna videre.
Nec retinenda tenes: nec vis remouēda mouere.
Heu misere mentes/ metuenda parū metuētes:
Que breuiter curant/ que longo tempore durant.
His nimis intente/ que sunt mutata repente.
Adors timidum nomē/ miserabile prebuit omen.
Venture genti primo male nota parenti.
Adors subit/ et moritur viuens/ nec finis habetur
Certus in hac vita/ Bruno probat hoc eremita.
Bruno ruit: cui sylua domus: cibus herba fuere.
Qui quia mundus erat: mundum cōtēpsit habere.
Sancta parens christi/ que sola deo placuisti:
Concedas vt ei/ data sit sedes requiei.

Idem vt supra.

Bruno dei cultor/ vitiorum nobilis vltor:
Ante dei faciem possideas requiem.

Lector securus quia nunc sospes subiturus
Huic completa tamen debita dicat amen.

Titulus sancti Petri carnotis

Concio syluestris/ lachrymarū parce fluentis:
Pastoris vita fidei cultu redimita.
Totum letandi nobis dat/ non lachrymādi:
Si mundo moritur: paradisi sede potitur.
Perdomuit carnem/ dum celi tendit ad arcem.
Se sociat christo: mundo dum migrat ab isto.
Si qua tamen carnis violauit viscera patris
Culpa/ licet parua: tergat miseratio larga
Eius: quem toto properauit cernere voto.
O miles christi/ qui pugne victor abisti:
Quam bene certasti: quia certando superasti.
Spernentis terrena/ stipendia carpis amena.
Viuis et exultas: et ad aule limina pulsas.
Christe tuo fesso/ quia te petit/ obuius esto.
Dans illi requiem. dans sine fine diem.

Titulus sancti Dionysij Areopagite prope parhisiū.

Si prosa/ vel versus possent conferre salutem:
Nec prosa/ nec versus tollent tibi bruno salutem:
Nam prosa vel versus de te volat ore dicaci.

198

In memoriam beati Brunonis

Que tibi sic profunt serpentis ab ore minaci.
Si tormentari prohiberent atq; vorari.
Sic prosa vel versus possunt conferre salutem:
Cum strepitu vocis sonet ergo melodia cordis.
Et prosa vel versus quod continet id meditemur.
Quodq; sonat fieri dominū de corde precemur.
Bruno digne pater vte eo salueris ab igne.

Qui non iustorum sed semper erit reproborū:
Et si quid minus est quod nō perfectio donet:
Id tibi donari defectibus et superaddi.
Nostra tuis possit deuotio: si deus audit.
Sed deus audiet et faciet: quia iusta rogamus.
Audiant ergo deus: et det que iusta rogamus.
Et tibi sine carens celestis lux tribuatur.
Et tecum nostris et cunctis hic titulatis.

Titulus Scti Germani epi parrhisiensis.

Mentibus in nostris deberet semper haberi
Lux: in qua reprobi mala tollent: seu bona iusti.
Hanc timuit Bruno: sophie qui verus amator:
Exiit hic veterem mortali carne parētem:
Ipsum de terra Christus deuexit ad astra.
Serue dei Bruno te suscipiat tuus auctor.
Perpetua possis vti requie paradisi.

Hanc habeant omnes nostri cunctiq; fideles.

Titulus sancti Daglorij Parrhisiensis

Occiduis morbis resolutis cur dolet orbis:
Consumpta pena si pace fruatur amena:
Non opus est flendi: quia gaudent luce perenni.
Est homo laudandus: tamē est hac voce iuuandus.
Parce redemptor ei terrene materiei.

Titulus Scti Petri fossatensis cenobij: quo

loco sctus Maur^o bti Bndicti discipul^o corpe quiescit
Anima ei^o in christi noie requiescat in pace. Amen.

Nil profunt anime: versus si fecero mille.

Eos orate tamen pace quiescat amen.

**Titulus sancte Crucis sanctiq; Faro-
nis Meldensis episcopi.**

Cognitus iste satis doctrina erat atq; beatis

In memoriam beati Brunonis

Adoribus et vita bruno sapiens eremita:
Principijs primis/summis/fulgebat et imis.
Post monachus factus/iam celi gaudia nactus:
Ecce iacet bruno tumulo conclusus in vno.
Nam sic tolluntur sapientes:dum moriuntur
In domini castra/pollentia desuper astra.
Nullus miretur:si bruno sanctus habetur:
Hoc meruit vita dici simplex eremita.
At si peccauit:quod necdum forte piavit:
Hoc sibi condonet dominus:celoq; coronet.
Titulus sancti Petri casiacensis cenobij.
Qui pro salute hominum dignatus est fieri homo:
dignetur concedere veniam vestro patrono.
Titulus ecclesie sancte marie carnotensis.
Ecclesie murus bruno fuit haud ruiturus:
Nam bonus/atq; pie mentis fuit/atq; sophie
Doctor erat verus:fleat ipsum plebs bona clerus
Iustus/sincerus/morum grauitate seuerus
Adortuus est bruno/pugnando rege sub vno:
Qui sic pugnavit:ducis hostes q; superavit.
Cuius miles erat qua ppter premia querat/
A duce sanctorum letissima regna polorum.
Et nos mille modis/psalmis oremus/et odis:
Et det christus ei lucem summe requiet:
Nam si promeruit hanc mercedem quis habere:
Nullus brunonem putet hac mercede carere.

Versus Scholares

Quis fuerit bruno momento temporis vno
Nescius:huc veniat discere si cupiat.
Iste fuit iustus/sapiens nimis/atq; venustus:
Sed nulli nocuit discere quod potuit.
Cui pia vota damus: nostruq; patre rogitamus:
Et fugiens rabiem/possideat requiem.
Si bruno vixit/sicut vixisse putatur:
Vivat in eternum/paradisi sede fruatur.
Flos erat hic patrum/solamen/gloria fratrum:
Veri sectator/divine legis amator/
Semita iusticie/fons hic/et origo sophie.

199

In memoriam beati Brunonis.

Lux speculum mundi: rerum sublime cacumen.
Labentum baculus: miserorum dulce leuamen.
Hec mens fracta malis: nec erat nimis alta secundis.
Hic sibi non vixit: sed mundo quem bene rexit.
Non hic sed vita spoliata: flet hoc eremita.
Vita non eguit: qui mundo non sibi vixit.
Et narrem breuiter: quis narret sufficienter:
Quam phebe phebo: quam cetera sydera lune:
Tam totus mundus assit tibi gallice Bruno.

Titulus sancte Margarite cenobij: quod situm est in eremo.

Cum patre sit nato laus: et cum flamine sacro/
Mundum sustentat: celum ditione gubernat.
Angeli cum seraphim: pariterque beata cherubim
Cum ceteris sanctis: iustis simul atque beatis:
Occurrant illi simul exultantes: et leti.
Et tamen cum ipsis: astantibus undique turmis/
Virtutum thronis: et potestatibus iustis:
Vere beatificent dominum: regem quoque laudent.
Inclyti Brunonis adsint animeque parati.
Abraam mox: isaac: et iacob: iob et helias:
Esai: daniel: dauid: sanctissimus iohel:
Abacuc: abdias: sophonias: et hieremias:
Cum vatum ceteris sistant obtutibus christi.
Supplices: et leti deposcant dono ditari.
Et nos cum ipsis demus pia cantica laudis.
Quamuis indigni mereatur luce beari

Exultat celum: terra gemit: nunc: et resultat.

Titulus sancte Marie noui monasterij.

Quos fratres noui monasterij: sicut postulastis: pro
patre vestro: sancte recordationis viro: domino Brunone:
clementiam domini prompto animo exorabimus.

Titulus sancti Beguini Diuionensis cenobij.

Est quia surgendum: non est de morte dolendum.
Parcere mors nescit: iustus bene morte quiescit.
Mutua vota damus: nostris eademque rogamus.

Titulus sancti Stephani eiusdem.

Qui regit omne quod est: hunc noxa soluat ab omni:
Hunc societ iustis: qui regit omne quod est.

In memoriam beati Brunonis

Que petitis vestris/eadem persoluite nostris:

Obsequia/psalmos/cantica/vota/preces.

Spiritus in celo Brunonis suscipiatur.

Et sit cum christo:dum vixit quem sequebatur.

Impetret et nobis/quod se possimus adire.

Quos cupit hic mundus peccati fece perire.

Titulus sancti petri Besuensis.

Transit ab hac vita Bruno summus eremita.

Quem deflent cuncti sapientes/atq; periti.

Hic sapiens vixit:sapiens et alta migravit.

Jam celum teneat/iam christo sedulus astat:

Pro sibi deuotis securus fratribus orans.

Titulus sancte marie Castellionensis.

Bruno vir hic magn⁹ fuit/ac simplex velut agnus.

Qui mundum cernens vilescere/cunctaq; spernēs.

Vitam mutauit/corpusq; fame maceravit.

Post monachus factus:eremi vastissima nactus.

Hanc linquens sedem/celi conscendit ad edem.

In qua detur ei locus optatus requiei.

Et si quem lesit:vel si quod crimine adhesit.

Hoc condonet ei gratia magna dei.

Titulus Lingonensis ecclesie episcopi.

Robertus Lingonensis eccleie seruus/rogabat eiusdē eccleie canonicos/et sacerdotes/monachos eremitas in episcopatu Lingonensi dño seruiētes:vt orent p̄ anima charissimi magistri sui Brunonis / et elemosynas pauperib⁹ largiant / memoriamq; obitus sui/in quib⁹ poterit ecclesijs / scriptam obseruari faciet.

Titulus sancte marie Molisinesis ecclesie.

Tempore disposito migrat de corpore Bruno:

Cuius dum vixit/vita deo placuit.

Subueniant illi/quibus est permessa potestas.

Et sit ei requies:et sine fine dies.

¶ Nostris versiculis/qui habitamus molernū/ addentes vobis qui estis Turri:innotescimus q̄ pro domino Brunone patrono vestro: nostro autem familiarissimo / missarum solennia diebus triginta celebrauimus: eius etiam obitus anniuersariū diem in catalogo fratrum nostrorum conscripsimus.

205

In memoriam beati Brunonis

Titulus sancti Michaelis archan-
geli Tornodrensis cenobij.

Mors pia iustorum / ruitur quia regna polorum:

Morte sua sacro sociatus in agmine Bruno

Vivat: et in requie potiatur dona sophie.

Gaudeat hic felix / videat faciem quoq; patris.

cernere quam christus / faciet sine fine beatos.

Titulus scti Germani antiodorensis.

Mansio Brunonis sit perpes celitus omnis.

Cunq; deo vita fiat ei socia.

Nobis vota dari semper curate precari

Illius meritis sedibus ethereis.

Titulus sancti Stephani mar-
tyris ecclesie Antiodorensis.

Bruno pius pastor / pure pietatis amator:

Bemonis ignitas superavit vbiq; sagittas.

Subiectis largus fuit hic nimis: et sibi parcus.

Factis implebat / quicquid per verba docebat.

Non se prelatum / sed se cupiebat amatum.

Gaudeat in celis: quia vixit corde fidelis.

Titulus sancte marie sanctiq; iohan-
nis confratrum Reomensis cenobij.

Bans bona christe poli famulo da regna brunoni:

Mutanti florem mundi / cunctumq; decorem /

Deserto vili: quod regno charius illi.

Hac fuit in vita / iam cessant plurima scripta:

Debita doctore reddantur vota Brunoni.

Atq; suis cunctis / nostris quoq; reddite functis:

Christi veraces famuli / iustiq; sequaces:

Qui charam fortis eremum colitis modo turris.

Que vos vt vestrum perducet ad astra magistrum.

Notum sit vobis charissim / nos Reomenses fratres / vestri
memoria patroni / in missis / et orationib; triginta egisse diebus:

ipsiusq; nomen cu nroru nominib; fratru / sicut decet scripsisse.

Titu. Lamberti abbatis Pultariensis cenobij.

Ego frater Lambertus / pultariensis monasterij ex necessitate
aplice obediētie seruus / et pcurator exiguus / hui; eximij magri

brunonis / in lralis doctrine scia / a pmordio mee cōuersatiōis de
seclō / i eruditiōe catholice cōuersatiōis / ⁊ v̄e religiōis discipul;

In memoriam beati Brunonis

eiusdē piissimi patris nostri et informatoris memoriā in septenarijs et tricenijs officijs et anniuersaria die sui obitus cum canticis spiritalib⁹ et pauperū refocillatiōe q̄tannis recolenda. cū cōmissis mihi filijs et fratrib⁹. pcurare. et deuote psequi nō fatigabimur: et quos poterim⁹ ad orandū p eo excitabimus.

Titulus scti petri Aremarēsis cenobij.

Fons et origo boni iesu pius esto Brunoni:
Ne leo tangat ouem: ser bone pastor opem.
Agnus Bruno tuus sit: sit non demonis hedus.
Si meruit penas parce reo bonitas.

Titulus sancti petri Trecozū.

Et titulus dicit mundi tentamina vicit
Bruno vir sapiens: iussa dei faciens.
Spreuit opes multas / sibi nec fuit vlla facultas.
Sed quicquid potuit / fratribus exhibuit.
Fugit ab hac vita monachus / sit et hinc eremita.
Dum sic abstinuit / regna poli meruit.
Sed quia iure pari decet hoc pro fratre precari
Poscimus vt requies / sit tibi queq; dies.

Titulus scti petri insule Germanice.

Mortua mors vtinam / vel carcere clausa fuisses:
Ne tantum mundo / doctorem surripuisses.
Pro quo nos petimus christum fontē bonitatis
Et det Brunoni munus solite pietatis.
Christe patris verbū / regnū concede supernum
Brunoni famulo: qui se tibi pectore puro
Quuens coniunxit / mundanaq; gaudia spreuit.
Nos igitur fratres / eremitica claustra colentes /
Qd nos pro vestris facimus / nunc reddite nostris.
Subtracti leto potiantur quo paradiso.

Titu. scti stephani Catalmiensis ecclie.

Commisit protoplastus homo / cur postera proles.
Patris facta luens / tendat in interitum.
Omnes intereunt / sed non omnes cruciantur.
Mors venit iniustis / vita salusq; bonis.

271

In memoriã beati Brunonis

Hic igitur Bruno / vir sancte religionis /
Adundum contemnens / celica promeruit.
Nos ergo dominum deuota mente precamur.
Et qui iustus erat / iustificetur adhuc.

Titulus sancti petri cenobij de monte.

Nos gessit moriens christus de morte resurgens:
Spes in morte deus: gloria sola deus.
Brunoni requiem tu confer christe perhennem:
Gaudia cum sanctis sint sibi pro meritis.

Titulus sancti Basoli.

Bruno polum subeat: quẽ strennua vita venustat.
Quo merito fidei gloria crescat ei.

Titu. sctẽ marie Remensis Metropolis.

Hic pater eximius fundator religionis /
Exemplar sese fratribus exhibuit.
Sans illis formam spernendi vilia mundi:
Celestis patrie premia dum sequitur /
Pro cuius culpa non credimus esse gemendum.
Quem iam gaudentem credimus in requie.
Nam si cui sancto requiem bona vita meretur:
Huic quoq; pro meritis summa datur requies.
Qui cum multimode nostra polleret in vrbe:
Solamenq; suis / atq; decus fieret:
Cumq; faueret ei fortuna per omnia: iamq;
Hunc preferremus omnibus / et merito:
Namq; benignus erat: omniq; peritus in arte:
Facundusq; satis / diuitijsq; potens.
Omnia post posuit christo: nudumq; secutus
Christum / cum multis suscipit hunc eremus
Propterea requiem sibi credimus esse paratam:
Si tamen vlla leuis hesit ei macula:
(Nam patet in terris nullum sine labi morari)
Hanc deus abstergat: dando sibi veniam.

Alius titulus eiusdẽ ecclesie Remensis.

Et seruire ioseph domine contempsit amori:
Et fugit amplexus incestos mente virili:
Sic contempta iacet Bruno tibi gloria mundi.

In memoriam beati Brunonis

Amplecti dum te cuperet: tibi brachia tendens:
Abundas mundus opes: multos obtendit amores.
Tuq; fuga lapsus/pompali veste reiecta/
Amplectens eremum/vestiris sorte beata.
Hunc tantum talem celestibus esse sodalem
Credimus:hunc rogitat fratrum deuotio tota:
Et domino pro se dignetur fundere vota.
Pars tamen interior/si traxerit ab exteriori
Quid sordis:deus hoc pietatis dilue rore.

Titulus alius eiusdem.

Judicis examen venturi Bruno pauescens:
Abundanas contempsit opes/eremumq; petiuit.
Atq; suavis ibi fructus emisit odoris/
Ad christum reuocans/quos gloria vana fefellit.
Nocte/dieq; dei preceptis inuigilabat:
Omnibus exemplar/eremi quos vita decorat:
O q; felici meriti mercede fruuntur:
Qui socij turmis celestibus efficiuntur.
Lucis et inueniunt loca:que sunt nescia pestis:
In quibus eternis celebrantur gaudia festis:
Ad que suspirans hic dissolui cupiebat:
Posset vt in christo sic conregnare beatis.
Beniq; finito certamine carne solutus/
Optatisq; fruens / conscendit ad ethera liber.
Terum si quid ei terrene sortis adhesit:
Quatenus ad tumulum mercedis nil sibi desit.
Pulsemus dominū precibus/quem cuncta verent:
Nulla quod inferni tormenta sibi dominantur.

Item alius titulus eiusdem ecclesie.

Iste vir Elie par/baptisteq; iohanni:
Hic eremi cultor fuit/et bonitatis amator.
Hic abrahe similis/pius extitit/atq; fidelis.
Iste velut petrus/domini mandata secutus:
Omnia contempsit/et christo pauper adhesit.
Abaluit hic christo/pauper q; viuere mūdo
Diues/sicq; dei plene precepta peregit.
Sed quia que mundi sunt mors rapit omnia secum:
Abundo sublatum/iunxit celestibus istum:

In memoriam beati Brunonis

Nos vero domini deposcamus pietatem:
Et tanto patri mundani si quid adhesit:
Pulveris: abstergat deus illud / fons pietatis.

Eiusdem ecclesie titulus alius.

Quem tenerum docuit mater Remensis alumnū.
Propositi tenuisse fidem letata Brunonem:
Adigrantem ad dñm / lachrymis / precibusq; salutat.

Titulus sanctorum martyrum

Sergij et Bachi Andegauensis.

Iusti vel reprobi manet vnica sors moriendi.
Et simul ad finem deducit transitus idem:
Sed iudex operum sedes discernit eorum.
Vir bonus ad requiem transit / peccator ad ignem.

Titulus sancti petri cenobij puellarū.

Vite forma pie / totius acerra sophie:
Bruno pater: vita si transmigravit ab ista:
Ad domini nutum liquet illum carne solutum:
Qui iustum merita voluit donare corona.
Quem licet etheris fidamus inesse choreis:
Haud tamen obsequij deerunt solacia nostri.

Titulus sancti Simphoriani

martyris in vrbe Remensi.

Si quid lugere de morte / iuuertq; dolere:
Tunc nos tristemur: sup hoc quoq; patre fleamus.
Sed qz nec luctus / nec clamor: ad ethera ductus /
Quemq; de morte valet ad vitam reuocare:
Oremus christum pro nobis in cruce fixum:
Celesti vita potiatur vt hic eremita.
Scribim? hec vobis / et idem petimus date nobis.

Titulus ecclesie sancte trinitatis.

Et petitis fratres a nobis: sic faciemus.
Sed Bruno cum christo regnat / sicut reputamus.
Quem cruce prelata sectatus hic est eremita:
Illecebris mundi constanti mente repulsis.

Titulus sancti Dionysij Remensis.

Eunctas liquit opes: cūctos simul orbis honores:
Pro te christe pater: pro celi munere pauper:

In memoriã beati Brunonis

Bruno factus iter: quorũ fuit ante magister.
Quattuor vt fontes ex vna parte meantes/
Quos paradifus habet: mudi per regna fluentes:
Exundant terras: sic hic quos imbuit: ornat/
Implet/ et informat/ inflammat/ dirigit/ armat/
Ludit/ et illustrat/ et adhuc regit/ excolit/ aptat.
Syderis instar erat cunctis: quos ipse docebat.
Inter celicolas christi requiescat in aula.

Titulus erimij Remigij Francoꝝ apli.

Ne doleatis oues/ pastores funere flentes:
Nam non est flendus: fuerat cui viuere christus:
Atq; mori lucrum/ superando demonis astum.
Hic pater erimius/ nobis merito venerandus:
Nec solum nobis: sed quos sol flãmeus vrit:
Quem fouet ipse deus: quem iam retinet paradifus
In requie pacis: cur talem queso doletis:
Raptus enim mundo: donatur viuere celo:
Et viuit vere/ studuit quia viuere iuste.
Conregnare tibi deus annue quesumus illi.
Eterna requie dans tecum perpetuari.

Titulus scti Nichasij Remoꝝ archiepi.

Deus fidelium lumẽ et animarũ animã huius vi-
ri catholici/ ab omni soluat vinculo delictorũ.

Titulus sanctorũ martyꝝ

Timothei et Apollinaris.

Huius doctoris fuit hec vis cordis/ et oris:
Ut toto cunctos superaret in orbe magistros.
Sic meditando bonus fuit: atq; loquẽdo disertus.
Huic se tota dedit sapientia/ totaq; sedit
Huius in arcanis diues penitralibus hospes.
Quod dico/ noui: mecum quoq; francia nouit.
Et totus nouit per climata quattuor orbis.
Hec illum docuit res huius spernere mudi:
Et solum fecit perquirere gaudia celi.
Huic si quid sordis de carnis lege cohesit:
(Nam cuncti penitus carnali lege grauamur.)
Omnipotens tollat: qui crimina nostra relaxat:
Impleat atq; sibi votum: quod semper amauit.

In memoriam beati Brunonis

Titu. sancti Bartholomei apostoli in monte Or

Orbis amarescens claudescit pondere mortis:
 Et trahit ad speciem humane per devia sortis.
 Abergit et exilio propriorum queq; tabescens:
 Unde timescis homo miser hac etate senescens:
 Fonte caribdineo mergeris ad ultima finis.
 Ac cinis in cineres solueris vt umbra lucernis:
 Est labor eius amor: et inextricabilis error:
 Defectu cuius animam complectitur horror.
 Postq; nudata fuerit de carcere carnis:
 Vel satane ducibus heu circumsepta cateruis.
 Qd metuens animosus in hoc discrimine Bruno:
 Seruitio penetrat eremum certaminis vno.
 Linqvit opes / mundiq; decus / ne gloria pena
 Fiat in interitum / sed currens nectare vena:
 Dulcescat fluctus animi / cordisq; tenorem
 In se constringens / scelerum constringat amorem:
 Per cursus varios operum virtute bonorum /
 Adortificando caput mortis cum iure malorum.
 Quapropter meruit consortia celicolarum
 Liber ab hoste stygis: aut rerum tartarearum.
 Et sociatur ei per quem reparabitur orbis /
 Q longus meta tam purus deniq; morbis /
 Quo requiescat amen misera de morte resurgens /
 Nec ledat serpens feda pruriginē turgens.

Titu. sancte marie Laudonensis eccle.

Bruno decus cleri / decus / et prudentia mundi.
 Dum fuit in terris / florebat acumine mentis:
 Dum fuit inter nos / florebat et in documentis.
 Integritas morum cumulum suppleuit honorum.
 Sed postq; nostra delegit cedere vita:
 Vester collega / vestrisq; locis eremita:
 Deposuit curam penitus totius honoris /
 Amplectens curam christi solius amoris.
 Vos igitur fratres / eremi deserta colentes /
 Fallacem mundum sic iam superasse videntes
 Egregium patrem: ne triste feratis obisse.
 Quem nos regna poli / diuina putamus adisse.

In memoriã beati Brunonis

Cum sit celicola/potuit quid maius habere?
Dum fuit in terris hec illi vota fuere.

Alius titulus eiusdem.

Gaudens doctore quem Francia Bruno recepit:
Clauderis in terra calabrinus nunc eremita.

Quod clamant omnes/vt tibi sit requies.

Ordo monialiũ titu. scti Iohannis bap.

Bruno laudaris: tua vita decens renouatur
Versibus: et scriptis/nec quanta fuit memoratur.
Ipse pius/simplex/plenus deitatis amore:
Impiger/et mundus fuit omni dignus honore.
Vixit adhuc Bruno/sibi traditur a patre vita.
Clericus ipse fuit/sit monachus/hinc eremita.
Nunc iacet exangue corpus/tamen hoc veneratur.
Vixit adhuc Bruno:cuius flatus gratulatur.
Ipse fatigatus per tempora/necq; reatus:
Nunc sibi concedat deus:vt semper requiescat.

Titulus scti Nicolai de saltu Vedocij.

Haud doleat quisq; morti succumbere quemq;
Cum viuat potius:qui corporis enecat estus.
Hic in perpetuum ius mortis vitat acerbum.
Et tibi det iugem cum sanctis Bruno quietem.

Titulus beate marie Noniandi.

Egregius Bruno non est laudandus in vno.
Qui docuit clerum:pater extitit/et monachorum.
Atq; deo charus per claros splenduit actus.
Omnibus hic nobis sit semper comemorandus.
Ipsius vt flatum capiat deus immaculatum.
Missis et psalmis societur ciuibus almis.

Alius eiusdem.

Dum vixit Bruno:monuit/secitq; monendo:
Et nobis mundus vilescat/ne pereamus.
Abundus habet fraudes/istis coniungit et artes.
Beniq; mellitis incautos vulnerat armis.
Mellificatq; dolos:vt sic perdat male cautos.
Nostro Brunoni nuncq; potuit dominari.
Ne dominetur ei:nudus deserta petiuit.

214

In memoriam beati Brunonis

Manſit et in pace/par vt ſibi longa maneret.

Titulus eccleſie Sueſſionenſis.

Sueſſorū mater eccleſia/fratrib⁹ dilectiſſimis / et deo charis
coſiſtentibus in eremo/que dicitur Turris:coſuerſationē ſupernā
habere ſemper per chriſtum. Piſſimi/ac deo dilecti patris:vere
venerabilis Brunonis cognito ſancto/ac glorioſo deceſſu:dul
citer ſuper tali/tantoq; viro commoti fuimus. Officiū autem
eius ſelici anime/ fidelū more impēdimus. Et ad eius beatam
memoriam anniuerſarie recolendam diem / quo carnis carcere
egreſſus eſt/ quomodo a vobis denunciata accepimus: ſan
ctam eius reſolutionem/in noſtra matricula ſcripſimus. Ora
tes/ et deprecantes: vt eius ſanctiſſimis/ veſtrisq; precibus ad
iuuemur/tam viui/q; defuncti. Amen.

Titulus ſanctorum Medardi et Se

baſtiani Sueſſionenſis cenobij.

Plebs pia Medardi regalis et inclyta ſancti:
Flentibus/et meſtis ſolamina grata ſalutis:
Qui gemitis functum:functi deponite luctum.
Nil iuuat extinctum deſſere/dolere ſepultum.
Sed potius vota proſint/libamina ſancta.
Hec tribuantur ei/quicunq; pericula mortis
Pertinet / horreſcit/ pereuntibus omnibus orbis.
Continuis precibus ſuccurrat/et auxilietur.
Dum petit/et rogitat: pro ſe quoq; quiſq; laborat.
Cum moyſes orat:ſuperat plebs iſraelita.
Dum ceſſat votis: cadit illico/vincit et hoſtis.
Nos ſimul oremus/nec ceſſet ſpiritus vllus.
Vota iuuant hominē:dum viuut/ et exit ad horam.
Que perimit vitam:tulit improba mors eremitam.
Que nocet/et ledit iuſtum/satis impia ledit.
Hec tam crudelis necat inſatiata caribdis/
Quos fouet omniparēs nullum miſerata dolores.
Saluet ab hac hominē/qui pertulit in cruce mortē.
Et vitam tribuat:quam non proſerpina rumpat.

Titulus ſancte marie Bleſenſis eccleſie.

Bruno vir egregie probitatis:gemma ſophie:
Cuius honeſtatis ſit preſens carthula teſtis:

In memoriã beati Brunonis

Pacis habet fidem / celi translatus ad edem.
Ergo laudemus dominum / veneremur / amemus.
Per quem seruatorum decoratur vita suorum.

Alius titulus eiusdem.

Asus eras eremo / liquisti terrea Bruno:
Hec mors morte tua tonuit / penitus tua iura.
Solvitur in cineres corpus / sis celicus heres.

Titu. sancti Krileffi Blesensis ecclesie.

Contrahit omnis homo / primi discrimina facti:
Et cuncte vitium nocet eue posteritati.
Exercens igitur studium mors impietatis:
Aggreditur / soluitq; virum tante probitatis.

Titulus sancte marie Bernaci.

Doctor doctorum fuit / exemplarq; bonorum:
Nostris temporibus Bruno vir eximius:
Esseq; penalis culpe nil credimus illi:
Ipse deum nobis conciliet meritis.

Titulus sancte crucis Aurelianensis.

Summũ Bruno decus / et gloria temporis huius:
Carne iaces / sed parte manes meliore superstes.
Et iusti recipis nunc premia grata laboris.
Preclaris merito doctoribus associatus.
Quiens in christo / nostri vir sancte memento /
Doctrinẽq; tue / que toto fulget in orbe:
Christo funde preces / mereamur vt esse sequaces
Quiq; deum pro te fraterno more rogamus:
Bruno tuis semper precibus vir sancte iuuenur.

¶ Vos q; sanctissimi fratres / q; tantũ ac talem patronũ ad celos
premisistis / omni humane cõpassiõis dolore postposito: gaude-
te et exultate in dño: dignosq; tanto p̃re vos fuisse morib; osten-
dite: vt ipso p nobis intercedẽte / dignes vobis dñs / si nõ scien-
tia parẽ: honesta saltẽ vita cõsimilẽ patrẽ providere. Valete.

Titu. abbatis scti iohãnis Suesionẽsis cenobij.

¶ Dilectis in christo et deo dignis fratrib; calabrie / reuerẽdis
eremitis / in monasterio sctẽ dei genitricis / semp vginis marie /
deo famulantib;: petrus sancti iohannis Suesionẽsis canoni-
corum regulariũ humilis abbas / totaq; fratrũ / cũ eo degens / et

In memoriam beati Brunonis

deo seruiens cōgregatio/bñ incepisse/melius psenerare/feliciter
 cōsummāre. Audito btō sine sc̄i p̄is v̄ri/ et maḡri mei Bruno
 nis/ a cuius ore sane doctrine fluenta plerūq; haurire cōtigat: et
 si opere nō cōpleui: de absentia vehementer tristamur/ carnales
 euasisse angustias: et requiē adeptū esse: et cū deo viuere: prout
 coniecturā de mundicia/ et p̄fectione transacte vite/ nobis satis
 note/ facere possum⁹/ vehemētius cōgaudemus. Eius ergo me
 moriā/ tum qz magister noster fuit: tum qz precib⁹ ei⁹/ et vestris
 cōfidim⁹: tanto apud deum efficaciorib⁹/ q̄nto sanctorib⁹/ hoc
 modo habituros promittim⁹/ triginta dieb⁹ missas/ et vigiliās
 p̄ remedio ei⁹: v̄zorūq; fratrum defunctorū celebrantes. In libro
 autē vbi nomina fratrum nostrorū defunctorū scripta sunt/ nomē
 eius cōscribem⁹. Annūersariū depositionis eius diem/ debita
 veneratione/ deo volente celebrabimus. Et omniū beneficiorū
 que apud nos fiunt/ et in locis/ que ad nos pertinent: eum par
 ticipem desyderamus: et vos participes suscipimus.

Titu. sc̄i Simphoriani martyris Beluacensis.

Abbatem sanctum/ narrant hunc scripta fuisse:
 Commissumq; gregem virtutis iter docuisse.
 Ergo si vixit/ rotulus testatur vt iste:
 Te sibi perpetuam requiem petimus dare christe.

Titulus sancti Quintini Beluacensis.

Humilis congregatio sancti Quintini beluacensis/ sperans
 patrociniū reuerendi patris sui Brunonis apud deum se adiu
 uari/ obediēter ei tricesimū ascribit. Et cum fratribus suis me
 moriam ipsius/ vestrumq; omnium amodo tenebit.
 Raptus ab hac vita christum sitiens eremita:
 Ne mala mutarent sanctam presentia vitam:
 Quicquid proposuit viuens/ moriendo probauit:
 Proderit ecclesie fidei vestigia nosse.
 Quidā frater de prefata ecclesia Hauberius noīe/ sancte re
 cordationis viro/ quē multū diligebat: et solū nostris tēporib⁹
 mundo renunciāsse predicabat/ tricesimū faciet: et q̄diu vixerit/
 inter familiares suos in memoria diligenter habebit.

Titu. sc̄i Luciani Beluagorū apli et martyris.

Bux eremitarum: lux corruit ecclesiarum.

In memoriã beati Brunonis

Hunc eremus plozat quem quisq; fidelis honorat:
Est etenim dignus: quoniam fuit ipse benignus:
Nam mundum spreuit/ mundanaq; cuncta reliquit/
Exercens vitam: de se faciens eremitam.
Verus in ethereis eremita sit ipse choreis:
Vivens cum nostris hic fratribus articulis.

Titulus sancti Fusciani de sylua.

Bruno vir excellens/ probus/ et vitiosa repellens:
Discipulus christi vita testante fuisti/
Vita/ quies/ sine nocte dies/ reparatio mira:
Ipso dante tibi pateant ad gaudia vera.

Titulus sancti petri Lorbeie.

Diuitias Bruno mundanas postposuisti:
Exemploq; tuo postponendas docuisti.
Et loca deserti pro rege poli coluisti.
Dulcibus alloquijs multorum corda rigasti:
Talibus extemplo factis/ extas imitator
Sanctorum patrum: qui doctrinis viguerunt.
Illic insidias hostis per tempora multa
Passus: mansisti/ cuius fraudes superasti.
Nunc tamen in christo complesti sine beato
Mortalis vite cursus/ et gaudia vite
Perpetue defunctus habes/ hec est tua merces.

Titulus montis sancti Quintini

martyris Germanensis pagi.
Dum moritur Bruno/ moritur qd traxit ab vno.
Stat meritum cuius: quia vivit spiritus eius
Vita beatorum/ spes/ atq; corona piorum/
Ipsum sydereis societ super astra choreis.

Titulus scti petri Lehunensis ecclesie.

Mortuus hic vivit: quia spretis omnibus iuit
Cũ cruce post christum/ dũ mundũ linqueret istum.
Hic nullum lesit/ domino quia semper adhesit.
Hinc vitans penas/ sedes sortitur amenas.
Ad quas altitonans/ iustis pia premia donans:
Ad conuiuendum nobis donet veniendum.

In memoriam beati Brunonis

Titulus sancti Fursei Perone.

Hic vir virtutis virtutibus inde secutis/
Per meriti florem capiat sine fine decorem.
Ipse deus/quo queq; reguntur:et omnia constat:
Bruno tuo donet gaudia spiritui.
Terra licet tua membra tegat carnalia vilis:
Spiritus in celi transeat alta tuus.
Bruno pius pastor/vitam ducens eremite:
Attribuente deo mereatur gaudia vite.

Titulus sctē Marie Alrenēsis ecclesie.

Sancte bruno/venerāde pater/venerāda ppago:
Celica iussa tenens:vivas celestis imago.

Titulus scti Petri Hurcurteñ.ecclesie.

Declinare mori nescit sapientia mundi.
Hec rem cum voce declinat sexus vterq;
Ast ego ni fallar/Bruno declinat vtrūq;
Sed ruit in libra:merito quia fors fuit equa.
Pura fuit vita:sapiens fuit hic eremita.
Appensus libze/discrimen nesciat ire.

Notificam⁹ igit vobis frēs charissimi/put flagitastis. Nos
huic ecclie catholice filio/ tricēnariū et āniuersariū diē: et in ca-
talogo fratrū nostrorū inscriptiōe deuote conscripsisse.

Titulus sancti Saluatoris Aquiciensis cenobij.

Ego Aimericus/ hui⁹ p̄titulati cenobij abbas:anime incly-
ti et famosi magistri Brunonis/precibus licz exiguis/eternam
ab eterno et pio saluatore/requiem implozo. Et diem obit⁹ ip-
sius Brunonis in Calendario notauī.

Titulus cenobij Marcemensis.

Excessit tandem defuncto corpore/pridem
Excedens animo/famosus carmine Bruno:
Qui tulit exilium viuens in corpore mundum.
Hinc se submouit eremita bonus latitauit:
Sed bene sic latitat:operum dum luce coruscat.
Belectatur ibi cernende spe deitatis:
Qua nunc perpetuo celis fruitur penetratis.

In memoriam beati Brunonis

Titu. scti Amandi Elnouensis ecclesie.

Hic quia dum vixit mentis consedit in arce:
Huic quoq; displicuit quicquid sit demonis arte.
Post mortem carnis / celesti conditur vrbe.
Sedes pro meritis datur huic que digna sophie.
Cui viuens studuit non ficto cordis amore.
Hinc pro morte patris luctus omittat ouile.
Orbatum quis sit multe lucis honore.
Gaudeat at merito / sicut gaudet pater ipse.
Quod facimus vestris: eadem nostris facitote.

Titulus sancti petri Illensis ecclesie.

Vera fides christi laxat peccamina mundi:
Cuius facta caro ligno crucis hostia patri.
Quod qui corde bono credens votis imitatur:
Ipsius vite consortia leta meretur.
Cuius Bruno pater conciuus vt efficiatur:
Iudicis ad thronum deuotio digna feratur:
Prosit defunctis oratio mutua nostris.

Titu. sancte marie Decinensis ecclesie.

Commemorande pater Bruno / christi pia mater
Dignetur natum pro nobis in cruce passum
Poscere: celestis donet tibi premia regni.
Quo tecum fratres nostri sint / atq; sorores.

Titu. sctę marie Formosellensis eccle.

Frustra conquerimur / iustus si morte sopitur.
Omnibus vna via proueniens varia.
Tristia damnatis: dat gaudia plena beatis.
Ergo beatus erit / qui bene transierit:
Felix hic Bruno / cui consonat ore sub vno
Laus modulata pijs / comptaq; tot studijs.
Nosq; precamur ei lumen lucere diei:
Qui non temporibus concidit: aut vicibus.
Nos quoq; pro nostris oretis commemoratis.
Sic sic concludo breuiter celeberrime Bruno.
Cui famularis christo sine fine fruaris.

In memoriam beati Brunonis

Titu. scti donatiani Brugensis ecclie.

Hic cultor veri dum vixit gloria cleri:
Carne resolutus/habeat nunc gaudia tutus.
Que petitis vestris/fratres impendite nostris.
Et qui lector ades:dic sit et requies.

Titu. sancti nicolai Meltensis ecclesie.

Mors breue nomē habet/sed nomine dura sub ipso
Sors later:et sors que non breue ius habeat/
Calcet opes:et sceptrā quatit/cathedrasq; supinat:
Nemoq; nouit vbi/quando/vel vnde venit.
Sensus/honor/meritū/species/vīs/res/gen⁹/etas:
Omnia vanescunt mortis in articulo.
Hec cum cuncta forent tibi Bruno/pridie nonas
Octobris:tamen es mortuus ipse modo.
Magne pater/qui cuncta potes:cui competit vni
Interiora viri cernere funditus:et
Parcere peccatis:dare post obitum medicinam.
Parce viro tanti/sisq; medela sibi.

Titulus sancti petri Pictauis.

Sunt dure sortis/nigre spectacula mortis/
Illius exors et fortune libera mors est.
Lunctorum cladem trutina que librat eadem.
Sicut priuato/sic parcit nobilitato:
Angustosq; lares vacuat/sicut populares.
Nā iuuenis/flores/decus/et decor/res/et honores:
Preter diuina/sunt omnia sub libitina.
Hunc obijisse virum/non ergo sit hoc tibi mirum.
Sed qualis fuerit/si forte rudis mihi querit:
Soluat/et euoluat cartham/rursusq; reuoluat.

Titulus sancte marie Pictauis.

Viuis/et in celis gaudes eremita fidelis:
Quem felix esse sequitur/fugit omne necesse.
O patrē sanctū: pro quo scelus est dare planctum:
Luius gaudere nequit vlla lues abolere.
Vivere cui deus est:cui lux/cui vera salus est.
Euge dei verna frueris mercede superna.
Accipis inuentum modico sudore talentum.

In memoriã beati Brunonis

Quod prudens domino soluisti fenore bino.
Pro meritis tantis tibi clamant verba tonantis:
Utere serue bone mecum summa regione.

Titulus sancti hilaris Pictauis.

Brunonis vite seriem spectent eremite.
Adundum florentem mundanos decipientem/
Qui dum conspiceret sed mundi labe careret:
Dum sibi vilescit: dum fetida gaudia nescit:
Inherens christo: seculo discessit ab isto.
Hac caruit vita Bruno felix eremita:
Est dominũ nactus: cum dictis consonet actus:
Non igitur flemus quem sic migrasse videmus.

Alius titulus eiusdem ecclesie.

Hoc dum vixisti mundo: vestigia christi.
Pluribus exutus vitijs es Bruno secutus.
Ergo tibi christus prestabat regna polorum.
In quibus exultat letissima turba bonorum.

Titu. sc̃te radegundis regine Pictauis:

Rex immense deus / qui verbo cuncta creasti:
Qui sanctis requiem celestia regna parasti:
Quicquid tuos ducis ad celica gaudia lucis:
Fac hunc gaudere cum sanctis sede polorum.
Qua gaudet vere cetus sine fine bonorum.

Titulus sancte marie sanctiqz

Eypriani martyris.

Omnis imago boni sis clemens christe Brunoni.
Hic eremita fuit / vnde tibi placuit:
Que post oblitus cupiens hoc visere littus:
Te non per speciem / sed videt ad faciem.

Titu. sc̃ti iohãnis enãgeliste Pictaueni.

Gallia festiuas postponens carminis odas:
Hunc lugubres cantus / et mestus excipe planctus:
Namqz tuus doctor / quondam per celica ductor:
Bruno pius moritur / flos feni subtumulatur.
Hinc est / quod doleas: sed viuit pone querelas.
Utere pro meritis iustis sonatur in astris.
Cum quo sint nobis tibi nec non gaudia lucis.

In memoriam beati Brunonis

Titulus sancti Petri Vrsionensis cenobii.

Turrinis monachis sit par per secula cunctis.
 Dum phœbus radios per cosmum tendere fuluos
 Inciperet: baiulus vester pro funere patris
 Reflens huc venit: quem mors inimica peremit:
 Cuius nos pro anima celebravimus ordine vota:
 Et mos ecclesie sancte cognoscitur esse.
 Ipsiusq; animam christo commisimus almam:
 Nam donec vixit: domino seruire cupiuit:
 Moribus instructus: diuino lumine fultus.
 Fratribus atq; deo mansit dilectus in euo.

Titulus sancti Martini pleni pedis.

Quoniam nullus suarū virtutum precūue remi-
 ge huius exitialis vite naufragiū inevitabile/quoq;
 modo potest euadere: celestisq; immarcessibile p̄miū
 obtinere: quod catholicā decet religionē: fratres ex-
 poscitis. Et igitur eius vestrisq; p̄cibus/n̄orū rubi-
 gine criminū saluberrima decocta purgemur: vestri
 patris diem/recolemus anniuersariam.

Titulus sancti Marimini Sicilianensis cenobii.

Doctus psalmista/clarissimus atq; sophista:
 Gallia quem mire sua deberet sepelire:
 Et fertur/calabris nunc Bruno sepultus in agris:
 Hac functus vita sub temporibus stabilita:
 Transeat ad vitam sine temporibus stabilitā.

Alius titulus eiusdem.

Bruno consurgat regi: qui crimina purgat
 Sanctorum christo: cui mundo vixit in isto:
 Excessit vita monachus sapiens eremita:
 Hinc clerus tristis moneatur versibus istis:
 Præmia donantem dominū rogitare tonantē:
 Et det ei requiem plebs pia dicat amē.

Titulus sancte Marie Parrhisiorū.

O vos mundani/quire gaudetis inani:
 Spernite culturam carnis/subito perituram.

In memoriam beati Brunonis

Corpus enim vastum varia pinguedine pastum/
Quo magis impletur: putidum magis efficietur.
Cur impinguatur caro: qua vermis satiatur?
Cur adeo cupimus bona: que retinere nequim?
Quos male seducit mundus: per deuita ducit.
Et sectatores carnis fallit per honores.
Blandaq; pretendit: dum nobis retia tendit.
Est et in hoc mundo mundanis sollicitudo:
Penaq; lucratur penam/ caro bis cruciatur.
Qui lucra sectantur: subita nece precipitantur.
Et subeunt antrum carnes/ animeq; barathrum.
Hec satis attente pertractans Bruno repente:
Ille magistrorum decus: informatio morum:
Remigium turbe/remensis maior in vrbe:
Mundum despexit. iter ad celestia flexit.
Vilibus indutus pannis/ te christe secutus.
Huic igitur celi pateant/populoq; fideli:
Cum quo letatur Bruno semper sociatur.

Titulus sancti Petri Resbacensis

Temporibus nostris finis dum proximat orbis:
Exitit in mundo proximus iste deo.
Nam dives fuerat: mores sapienter agebat:
Contempsit cuncta: post pauper et est eremita
Factus pro domino: qui solus regnat in alto.
Iste viam carnis tenuit: per secula felix
Sit pietate dei qui secula morte redemit.

Titulus sancti Petri Latunacensis.

Arboze de quadam fructum gustauerat adam:
Arboze post de qua fors imminet omnibus equa.
Si non peccasset: genus humanum recreasset.
Sed quia peccauit: morti mala cuncta parauit.
Ergo dolor/luctus lachrymarum fundite fluctus:
Quod mors sic mordet/seuit/ruit: omnia sorbet.
Hac ruit omnis homo p gustato male pomo.
Hic valet: et viuit: mox terre membra reponit.
Sic caro flos feni/ sit fenum gloria mundi.
Dum iuuenum flores marcescunt/atq; decores:

In memoriam beati Brunonis

Cum paruo magnus: cum iusto transit iniquus:
 Hoc pbat ois homo: sed homo qđ cōprobat ois:
 Intulit ipse pater: sed quod pater intulit ipse:
 Expulit ipse deus: sed quod deus expulit ipse:
 Mobile fecit opus: sed opus quod nobile fecit:
 Sentit origo sequēs: sed et hoc quod sentit origo:
 Sensit et hic Bruno: quoniā Bruno sentit et iste.
 Vivit in eternum: non ergo fleamus ob ipsum.
 Si qua tamen gessit: domino que non placuere:
 Os/mens/lingua/deum non deneget ista rogare:
 O theos/alpha boni: da celica regna Brunoni.

Titulus sancti Petri Neocastrensis.

Hac vixit vita dum felix hic eremita:
 Dicitur Bruno bonus/noster per cuncta patron⁹:
 Quo vixit pago: viuens permansit imago
 Vere iusticie/doctrine/philosophie/
 Exemplum cunctis/qui dans ratione potitis:
 Struxit structurā: quam nouit non ruituram.
 Etheream sedem/ per secula cuncta manentē:
 In summis celis/vbi gaudet Bruno fidelis.
 Cuius mirantes vitam/mores imitantes:
 Omnes oremus/prece qualicūq; valemus:
 Hic vt tam dignus/tam verax/tamq; benignus/
 Pro nobis toto fundens oracula voto:
 Quo gaudet letus celesti culmine fretus:
 Nos congaudere faciat/secumq; manere.

Titulus sancte trinitatis Falesie.

Tanti doctoris fuerat de morte dolendum:
 Omnibus atq; bonis noctesq; diesq; gemendū:
 Si possent luctus hominem reuocare sepultum:
 Et lachryme fructus facerent: non plangere stultū.
 Sed quia missarum lachrymis suffragia prestant:
 Atq; preces hominem iuste super ethera gestant:
 Hymnis/et psalmis/precibus grex ergo fidelis
 Christi poscat opem/missis omīno querelis.
 Et faciat celis animam residere Brunonis:
 Ne populetur ouem/conseruet ab ore predonis.

In memoriam beati Brunonis

Titulus sancti Seruasij

eiusdem loci castri.

Gallia multorum mater/nutrixque viorum:

Isti quando pares es habitura mares:

Iste tuus quondam doctrine prebuit vnam/

Sentibus/et cleris. heu bona fama peris.

Francigene gentis nil confert littera sentis

Hoc obeunte quidem: nunc habes inde fidem.

Istius fossa calaber tumulus tegit ossa.

Vivere prestat ei gratia magna dei.

Titulus sancte Marie Tornacensis.

Quem genuisse colonia: francia vult aluisse:

Gloria Bruno pater/ genti communis utriusque:

Ascensu facili sociatur ad agmina celi.

Quorum civis erat/ etiam dum vita manebat.

Non tamen hinc frustra comes est oratio iusta.

Conferat hoc dominus meritis quod defuit eius.

Titulus sancti Petri Blandinensis. cenobij.

Est commune mori/ mors nulli parcat honori.

Mors est vita pijs: pena diurna malis.

Ibimus absque mora: sed qua nescimus in hora.

Est quia vita brevis: fluxa/ caduca/ leuis.

Ecce satis scimus/ quod non euadere quimus

Et quis erit finis: vermis/ et inde cinis.

Dum vixit/ vita nituit satis hic eremita.

Mortuus ipse tamen pace quiescat amen.

Titulus sancti Leodegarii martyris

Poscitis auxilium: prebeat quod christus in euum.

Brunoni petimus/ migranti corpore summus:

Quatenus optati concedat munera regni.

Titulus sancti Bauonis in Sandauro.

In verbis quantum nobis sit magna facultas:

Non pro posse tamen sit prodere verba voluntas.

Sed stentes/ breuiter dicamus: summe magister/

Brunoni charo tibi rex in carne fideli/

Cui super omne bonum placuerunt gaudia celi:

Illud des esse: quod nusquam nouit abesse.

In memoriam beati Brunonis
Titulus sancte Marie conatrensis
ecclesie in Anglia.

Hunc pietate sua rex christus in arce polorum
Collocet: atq; frui requie concedat eorum.

Titul⁹ sancti Andomari episcopi.

Exemplum miseris mortalibus esse solebas:
Ut colerent christum: quem semp Bruno colebas.
Pro quo diuitias spreuisti totius orbis.
Et tibi perpetuas daret auctor totius orbis.
Ergo vera fides quam tu semper coluisti:
Tetrahat ad christi requiem: qua Bruno petisti.

Titulus sancti Pauli apli Lundoniens.

Tanti fama viri diffusa sub vltima mundi/
Excitat ardentem in digna precamina mentes.
Et licet vt quimus complere petita velimus:
Vota probatorum passim pmissa virozum/
Nos p posse monet: dominum memorare Brunone.
Becessumq; sui missis celebrare quotannis.

Archidiaconi Rengerius / Qualter⁹ / Quintilia-
nus / Robertus / Durandusq; scholasticus / Theo-
baldus / Arturus / ceteriq; oes canonici ecclesie san-
cti Pauli Lundoniensis salutamus: fraternaq; dile-
ctioe impertimus Eremitas ecclesie sancte dei geni-
tricis Marie turris calabrie. Concedimusq; vt pe-
tistis anniuersarium fieri singulis annis reueredo
magistro domino Brunoni seruo dei: cunctisq; fra-
tribus cenobij vestri: pridie nonas octobris / id con-
cessimus publico consensu fratrum nostrorum. Nomenq;
eius nominibus fratrum nostrorum ascripsimus in me-
moriam predicte comemoratiois.

Titulus sancti Petri Cassellens. ecclesie

Brunonis vermes carnem pascuntur inermes.
Proh dolor immesi vas sensus / et bonitatis.
Non tamen est inde quod desleo. nam mihi constat
illum sanctorum conciuem / sed quia ceteris
Ipsius meret: priuatus patre benigno.

In memoriam beati Brunonis

Titu. sancte marie Attrebatensis sedis.

Lux eterna deus preterq̄ nil valet esse:

Qui nobis voluit nasci de semine iesse:

Participem faciat te Bruno sue bonitatis:

Qui fons multifluus est mirifice pietatis.

Alius titulus eiusdem.

Recte Bruno vie/dux et fons philosophie:

Non aliter docuit vivere/quam studuit:

Bum bene viuendo fecit/quodcumq; loquendo:

Vir bonus ostendit/celitus emicuit.

Unde sibi merces donetur gloria perpes:

Ac diuturna quies/et sine nocte dies.

Titulus patris Vedasti eiusdem ciuita-

tis episcopi nobiliaci cenobij Scole.

Ploret vita/breui series quod transeat eui:

Transit enim quicquid iam presens cernitur esse.

Sic decet: idq; petit quod habet natura necesse.

Gloria stat rerum/perit hec in tempore finis:

Nil habet eternum/nisi sint imitamina veri.

Ergo quisquis homo vult prudens esse videri.

Diligat hec tantum/que sunt sibi dona salutis:

Si bene stant cure/bona lucis amando future.

Non procuret ea/que sic fugiunt/velut aura.

Quicquid habet mundus/est quedā captio mētis.

Et seducat eam semper vigil ars inimici.

Ille leo rugiens/querens/quem deuoret hostis:

Nunq; dormitat/nec prestat membra quieti.

Irrequieta manet omnis sua cura per horas.

Nec habet occasum furor hic/nec sacra voluntas.

Uderogo caueas homo:ne tenearis ab illo.

Abente sed intentus superis/et sensibus: omne

Impendas studium/vero quo functus honore/

Diuino semper/puroq; fruaris amore.

Deperit omne quod est/sapiens simul/insipientesq;

Pauper/inops/diues/quos vilis contegit vna:

Lege necis sumpta/sic fiunt puluis/et ossa.

Iustus obit/moritur aliquo fit crimine lesus.

In memoriam beati Brunonis.

Nec caret macula communi lege creatus.
Cedit enim sorti nimirum: quam pater adam
Per matrem meruit: quam littera nominat euan.
Mens mea dum querit sup his/ per plura vagat:
Ampla nimis ratio per mentem multiplicatur.
Clare pater Bruno peto fit tibi vita perhennis:
Sicat amen quisquis mibi respondendo fidelis.

Alius titulus eiusdem.

Lumen et ordo vie/ducentis ad alta sophie:
Occidit hinc cedens nature Bruno recedens:
Par pecudis brute tibi Bruno magister acute/
Eiluit hic flore mundus: steriliq; decoze:
Flos fuit in feno vigit sub sole sereno:
Dum tua cantaret: studio dum musa vacaret:
Dum modo lactaret remos: modo pane cibaret.
Hinc tamen abiectis opibus/ studijsq; reiectis:
Clausus in obscuro frueris libamine duro.
Nilq; sequens Bruno varium/ fundatus in vno:
Sic pater o Bruno capis vnum captus ab vno.

Titu. sancte marie Dorliuensis eccle.

Floruit in mūdo vir prudens/ ore profundo.
Utilis est forma fors eius: et vltima norma.
Sciuit enim vere mundum non posse manere.
Calcavit flores/ eius contempsit honores.
Hunc requies sibi sit: quoniam sacra pagina dixit.
Non est damnosa mors iusti/ sed preciosa.
Bruno hierusalem conscendit spirituaalem.

**Titulus sancti Petri et sancti Au-
gustini Anglorum apostoli.**

Bruno pia vita/ celo viuas eremita.
Reddidimus vestris/ reddantur debita nostris.

Titulus Edmundi regis et martyris.

Transit ab hac vita Bruno pater ac eremita
Transseat in requiem spiritus eius Amen.

Alius eiusdem titulus.

Annuat huic dominus Brunoni gaudia verus.
Agmina sanctorum/ qui continet alta piorum.

In memoriã beati Brunonis
Titulus sancte marie Spalinge

ecclesie sancti nicolai Andegavis.

In mundo rutilat solis iubar/et rutilando
Transit:et excedit sidera clara poli.
Sic et Brunonis sapientia tanta refulsit
Inter francorum sidera:solus vt hic
Esset cunctorum flos:et fons philosophorum:
Flos speciosus erat/fonsq; profundus erat.
Ex hoc manauit sapientia tanta per orbem
Et quos imbueret/philosophos faceret.
Splendor sermonis fuit:et lux religionis.
Eius religio scitur vbiq; satis.
Eius doctrina sunt facti tot sapientes.
Quos mea mens nescit:et mea penna tacet.
Eius in exemplo sunt multi religiosi.
Et sectatores/discipuliq; crucis.
Ipse crucem christi tulit/et sua cuncta reliquit.
Seq; negando sibi profuit ipse sibi
Diues famosus/facundus/et generosus/
In mundo nituit/sed sibi displicuit.
Mundus/et ipsius res/et mundana potestas/
Non sibi chara fuit/omnibus abstinuit:
Nullus amor/vel honor/nocere deum sitiendi.
Sed querendo deum/fugit in exilium.
Exul erat patrie/loca/presidiumq; marie
Obtinuit/cuius filius ipse fuit.
Felix exul erat:quem virgo maria recepit.
Hec sibi refugium prestat/et auxilium.
Fiat ei portus:cuius fuit integer ortus.
Filius eternus sit tibi certa salus.

CReligiosis fratribus in loco (qui turris appellat)
deo deuote famulantibus Lambertus abbas:et to
ta cõgregatio sancti nicolai salutẽ et dilectionẽ. Do
lori vestro:et desolationi charitatis visceribus com
patientes:dñõq; Brunoni ex hoc mundo ad patrẽ:
vt credim⁹ transeunti congaudentes:et triumphã
lis funeris debitum exoluentes:iustis petitiõibus
vris:et desyderijs satis facim⁹:annuẽtes:vt illius

In memoriã beati Brunonis

depositio in martyrologio nominib⁹ fratrum nostrorum
interferibat. et perpetua memoria recolat.

Titu. sancte Marie ecclie lincolniensis

Transisti mundo securus maxime Bruno.

Quem quia spreuisti: nil nocuisse puto.

Te voluit rebus fallacibus illaqueare:

Sed tibi prospiciens non cadis in laqueum.

Obtulit isti quidem que pronus stultus adorat.

Hoc est diuitias et bona que perunt.

Et quia nemo potest horum splendore beari:

Quippe nihil prosunt sed nimis officiunt.

Omnibus abiectis eremum letus petisti.

Hoc solum cupiens posse placere deo.

Hec bona fama viri latuit dispersa per orbem.

Sed vaga per multos comonuit populos.

Profuit et multis dans exemplum famulandi

Ille qui bonus est: qui dominus deus est.

Hoc igitur melius quis homo posset meditari:

Ista salus multis profuit atq; tibi.

Quis tam felicem nouit atq; sapientem?

Non noui talem: nec tibi cosimilem.

In te reuera patuit sapientia vera.

Te pietas domini nutrit et docuit.

Hunc elegisti pre cunctis: hunc et amasti.

Quem quicumq; colit: non coluisse pudet.

Sit tibi lux/patria/requies/et gloria parata.

Eui seruire fuit gloria sola tibi.

Titulus beate Marie Eboracensis.

Filius ecclesie mortali carne solutus:

Bruno vir sapiens: quod sua facta probat.

Non est plorandus quia nunq; iam ruiturus

Spes amor atq; fides quod meruere tenet.

Alius eiusdem.

O si voce rei diuini pompa trophæi

Posset laudari: vel plene notificari:

Sed quia deficeret: nisi se mea vox cohiberet.

Quod mihi velle datur: perfecte posse negatur.

Sed tamē absq; mora surgat mea per mare proza.

Ut si fas detur: christum laudando precetur.

In memoriam beati Brunonis

Laus tibi summe pater: cui subditur inferus ater.
Laus tibi laus christe: cui mundus subiacet iste.
Celestis doni da premia queso Brunoni.
Et tibi qui vixit: qui mundo se crucifixit:
Vivat in eternum nec mortis tangat auernum.
Quod petitis vobis impendite mutuo nobis.

Titulus sancti petri Eboracensis

ecclesie que est Anglie metropolis.
Pro quo Bruno breuis reprobauit noxia vite:
Ipse rependat ei munera perpetue.

Alius titulus eiusdem.

Fama prius nobis retulit quam litera vestra:
Non de morte quidem: sed bonitate viri.
Gemma domus dñi Bruno fuit: atq; columna:
Et fidei verus cultor apostolice.
Vera fides eius virtutibus edificata/
Ethereas edes edificauit ei.
Gloria diuitie persona scientia rerum/
Illi clara satis: sed pede pressit ea.
Sunt que dant homini post mortē viuere posse:
Nec tamen hec possunt morte carere dare:
Mors premit omne caput: que si cui parcere posset:
Certe Brunoni parcere debuerat.
Mors bona mors felix: si mors est illa vocanda:
Quam sequitur requies vitæq; perpetua.
Si quid ei terrena dedit contagio sordis:
(Nam sine peccato viuere nemo potest)
Abluat illa deus: qui trinus viuit et vnus.
Et det ei requiem dicat et omnis Amen
Quod petitis vestris: iam fecimus et faciemus.
Et petimus nostris vt faciatis idem.

Titulus sancti Iohannis archi-

episcopi Heuerlacensis ecclesie.
Bruno quod spreuit viuens in morte reliquit.
Nam mundum fugit mundanaq; vilia dixit.
Christo seruiuit quare celum penetrauit.
Ipsius tales transmittere sed quia fratres

In memoriã beati Brunonis

Chartam fecerunt: nostri domini voluerunt.
Pro famulo tanto postremo tempore functo:
Officium seruis gratum persolvere cunctis.

Item Ricardus ad eundem.

Qui casu mortis sublato patre doletis:
Ponite tristitiam/manet omnis exitus idem.
Hinc est pensandum: quia mundi gloria fenum:
Ad tempus floret/florens pertransit/et aret.
Et quia sic floret: florens sic transit/et aret.
Declinemus eam/magis inquirendo futuram.
Iam precessisti: iam regula Bruno fuisti.
Iam conclusisti: quod caute proposuisti.
Florebas mundo fragili: sed flore caduco
Spreuisti mundum fragilem/floremq; caducum
Contemplatiue querens succedere vite.
Quam tibi concedat: qui secla per omnia regnat.

Item Albertus ad eundem.

Hec pietas christi tibi Bruno quod meruisti.
Factus in hac vita monach' prius: hinc eremita.

Item Turstanus ad eundem.

Sit tibi Bruno quies: sit lux/sit gloria perpes.
Sit tibi vera salus/vera medela deus.

Item Richardus ad eundem.

Eternam sedem nobis inuidit/ et edem/
Eterne sedis factus prior exul/ et edis.
Arboris illicite dum gustum suggerit eue.
Gustat/ sit gustans mortalibus addita fatis.
Porrexitq; viro casu simili ruituro.
Immortalis erat sicut deitatis imago.
Immortalis erat costis educta virago.
Sed mox post gustum mortales efficiuntur.
Deiectuq; graui paradiso deijciuntur.
Intrauit mundum mors effera/ subdidit illum.
Legibus illa suis/ moritur qui nascitur omnis.
Parcere non nouit: sed nec tibi Bruno pepercit.
Apposuit patribus/ iam sit tibi viuere chastus.
Et raptum mundo terestituat paradiso.

In memoriã beati Brunonis
Item Duilhelmus ad eundẽ.

Carmina si possent tanto prodesse patrono/
Jam prodesset ei musa canora mei.
Carmina cantasset titulo fruitura perenni:
Mille modis tanto psalleret illa viro.
Psalleret illa viro studiosa mente/manuq;
Linguaq; magnificum magnificaret eum.
Sed quia defuncto/nil profunt carmina laudis:
Virtus summa dei propitiatur ei.
Torruerat phebuis bis sex octoq; diebus
Libram:cum vita discessit ab hac eremita.

Ad titulum sancti Petri
Castrensis ecclesie.

Gloria iustorum/solatia sola reorum/
Bruno fuit viuens/parsq; dolor moriens.
Totius cleri decus/exemplar quoq; veri/
Mors dolor eripuit/dum pater occubuit.
Effectus monachus prius/hinc eremitaq; rectus:
Gratia summa dei propitiatur ei.
Huc tendunt vota/quo propitiatio tota
Sit fragili vite/sub breuitate site.
Huic fuit octobris immanibus edita probus
Finis sexta dies:sit sibi iam requies.

Item alius titulus eiusdẽ.

Personæ titulus sub nomine pretitulatus
Virginis et matris/quã post dominũ colit orbis:
Diuersos luctus mundus sonat vndiq; totus:
Ad multas mortes secum ducendo cohortes:
Prosternit cunctos sacro baptisinate lotos:
Sicut demonstrat Brunonis clara lucerna.
Is cum multorum laudetur voce viroꝝ:
Sit meritis morum spectabilis eximioꝝ:
Lege tamen mortis/sors hunc tulit impia portis:
Flemus vobiscũ:sed opus quid ad hec nisi christũ
Poscere:quod requies sibi sit post funera perpes.
Et vestris functis dedim?:sic vos date nostris.

In memoriam beati Brunonis

Titulus sancte Marie sanctiqz Aldelmi
episcopi et confessoris malmesbenensis ecclesie.

Hic bonus athleta / cuius celeberrima vita
Istic narratur: laudabilis esse probatur:
Nam si sic vixit: presens vt chartula dixit:
Et si munificus fuit / et pius atqz pudicus:
Si sibi met parcus fuit: indignis quoqz largus:
Si calcator opum: si spretor deliciarum:
Si verbis cultus fuit / et bene morigeratus:
Est quid opus verbo / quid dicere plura laboro:
Nam nunc tantorum celum tenet arte honorum.
Nam sibi pro meritis est redditus astriger axis.
Nunc igitur Bruno letatur / et heret in vno:
Unum suscepit Bruno: qui multa reliquit.
Est tamen hoc solum cunctis prestantius vnum:
Si qua sit magnum / iuuat hoc addiscere lucrum:
Sat dicam breuiter: paucisqz docebo patenter.
Suscepit christum solamen dulce laborum.
Quid pdest igitur: quod nos sibi versificamur:
Sed puto proficere: si dico deus miserere.
Ast quoniam nemo peccaminis est sine neuo:
Si quod habet facinus: tu bone terge deus.

Titulus sancte Marie Rothomagensis ecclesie.

Ecclesie sancte totius luceat ordo:
Humani generis flens irreparabile damnū:
Abundo decessit mundani victor honoris:
Bruno pater sancte fundatur religionis.
Cuius tanta piam vitam comendat honestas:
Et sit eum cuiquam non equiparare potestas.
Ipse fuit sapiens / vir nobilis: indole fulgens:
Imbutus fonte totius philosophie.
In quo cum virtus probitatis viua niteret:
Glorificos fascies qua promeruisse valeret:
Proculcator opum: cunctorū spretor honorum:
Et mundi stultam pede contudit ambitionē.
Et studio sanctam fundauit religionē.
Abundum declinans: mundi sublimia vitans:

In memoriam beati Brunonis

Et legit potius privata degere vita.
Sed quamuis humilis/claris meritis eremita:
Cuius magnifice quoniam seriem pietatis
Nemo referre valet:actusve pie bonitatis:
His pretermisissis/precibus nos inuigilemus:
Atq; patrē summū/deuota mente rogemus:
Et pater eximius vitali luce fruatur:
Iustus et agminibus iustorum consocietur.
¶ Nos rothomagenses metropolis ecclesie cano-
nici singulis annis venerabilis viri Brunonis an-
niversarium faciemus.

Rothomagi montis Titulus sancte Trinitatis.

Quamuis mens hominis nescit discernere: finis
Quis sit cunctorum: sed fons et origo bonorum:
Cui patet occultum: nec quid dimittit inultum:
Nos tamen vt mores designant exteriores:
Dulcis/et emerite pia consummatio vite:
Credimus ad superos quod vester transijt heros.
Que vos oratis de votis concelebratis:
Hec eadem nostris exposcimus vt faciatis:
Et viuant christo: quos carcere soluit ab isto.

Titulus sancti Leodegarij.

Hic leodegarij titulus describitur almi.
A facie mortis nequit vllus sistere fortis.
Sed fumo similis vita viri sterilis
Labitur vt ventus pulcherrima nata iuuentus:
Eque tolluntur pessimus atq; bonus.
Omnes morte ruunt: terramq; cadauera querūt:
In nihilum veniunt: vermibus esca fluunt.
Corpora putrescunt: que viua superba fuerūt:
Horrida fit caro/mortua cuncta caro.
Ador homo cum moritur/statim sua fossa paratur:
Echarus post nullus curat habere suus.
Sed sociat cineri iam fetens corpus amici.
O quam vanus amor/cum cadit omnis honor.
Brunoni dedimus/quod debitus exigit vsus:
Nos et idem nostris persoluite subtitularis.

In memoriã beati Brunonis

Titulus sc̃te Marie potileuieñ. cenobij

Exiit e mundo vir mundi spretor / ad illum

Qui mundum fecit: quem sine fine videt.

Et licet hic tanq̃ tenebrosus Bruno vocetur:

Est tamen et fama lucidus / et meritis.

Luce dei fruitur / quia lucem respuit istam:

Et pro deserto celica regna colit.

Vos igitur fratres pro leto ne doleatis:

Esse suos letos letus et ipse cupit.

Si quid ei minus est: deus illi compleat illud.

Et nostros vestris iungat ei precibus.

Titulus sc̃te Marie Baiocēsis ecclie.

Strenuus / et fortis conseruator monachorũ:

Prouidus et mortis / fundator cenobiorum:

Sanctorũq; patrum pius / et clemens imitator:

Solamen fratrum / sancte virtutis amator:

Adorum contrector iustus: pia spes miserorũ:

Justicie rector: custos et vbiq; bonorum:

Adoribus ornatus: vas et plenum pietatis:

Fortiter armatus clypeo vere probitatis:

Humane Bruno subiit ius conditiõis:

Letibus angelice coniugendus legionis.

Non ibi raptores habitant: nec turba rebellis:

Nec prauis mores ibi sunt: sed quisq; fidelis.

Quo nobis aditum tribuat rex perpetualis:

Adortis post obitum protectio spiritualis:

Spiritus hic summa Brunonis pace fruatur:

Luceq; splendiflua pietate dei potiatur.

Versus Scholares eiusdem vr̃bis.

Hic dolor o Bruno plus q̃ p̃cessit ab vno:

Unde dolet / plangit: quã mors tua fundit? angit.

Non lachrymando parũ cõmunis turba scholarũ:

Atq; genu prono tali viduata patrono:

Pro merito dando diffundit vota precando:

Et regem poscit / qui cuncta latentia noscit:

Et tibi det vitam / te suscipiens eremitã.

Titulus sancti Georgij eiusdẽ vr̃bis.

Flos eremitarũ / lumen mirabile / clarum

In memoriam beati Brunonis.

Syodus Bruno patrum/vigor/ ordo/ regula fratrum/
Exemplarq; vie celestis/ fonsq; sophie:
Has tetigit metas/ quibus omnis clauditur etas.
In numero fratrum te scripsimus optime patrum.
Sedula deuote fundendo precamina pro te:
Et pietate dei/ tibi detur pars requiei.

Titulus sancti Stephani ad eundem.

Si vel per gemitum/ vel per lachrymas dare vitam
Hic mundus posset/ mundus vtrunq; daret:
Et sibi sublatum semel eliceret redituum
Brunonem/ miseris spem/ decus auxilium.
Qui sectans eremum/ propriamq; crucem baiulando/
Actu compleuit/ ore quod edocuit.
Remigiumq; tenens fidei/ spem fixit in astris:
Et rate felici iam mare transiit.
Et quia non per se valet vllus posse beari:
Hunc immensa dei gratia iustificet.

Titu. sancti Vigoris Lerasiaci cenobij.

Humilis grex cenobij Lerasiensis beati Vigo-
ris/ premonitus oraculo diuino / p anima religiosi
ac deo dilecti Brunonis/ generale officium persoluit:
orans/ vt ei parcat summa dei pietas.

Titu. sancte Marie Lotantiensis ecclie.

Christus doctorum doctor: fons atq; bonorum:
Bonet Brunoni/ quod meruere boni.
Esse deum verum sequitur non esse seuerum:
Huic igitur placidus sit sine fine deus.
Nam genus humanum/ cōfectum crimine vanum:
Iste pater docuit/ quam melius potuit.
Christi mandatum pandens/ dare munus amatū
Seruanti vitam dat quia perpetuam.
Nec solum verbis/ vt durus doctor/ acerbis
Perdocet: ast factis persequitur proprijs.
Perpetua vita cur non caret hic eremita:
Est quoniam verus solus in orbe deus.
Quod petitis vestris/ hoc christus det quoq; nr̄is:
Insimul vt socij sint sine fine dei.

212

In memoriã beati Brunonis

Versus Scholares eiusdem vrbis.

Bruno multorum præceptor grāmaticorum/
Lunctis corporeum nunciat interitū.
Grāmaticus/rhetor/dialecticus/astrologusq;
Effugerent mortem/si fugienda foret.
Sed quia mors nulla nequit auferri medicina:
Semper quisq; suum cogitet interitū.

Titulus sancti Michaelis

de periculo maris.

Mira dei virtus/mirandos perficit actus.
Quosdam iustificat:quosdam de morte repulsat:
Quos vult ignorat:quos vult solide sibi firmat:
In quibus hic Bruno vir religionis amator
Colligitur/capitur/feliciter annumeratur.
Huius sicut opus rotuli contestificatur.

Titulus sancti Petri Casalis.

Cita Brunonis fides et opera/si talis extitit vt
dicit littera:

Non est lugendus/cum sit superis sociatus.
Sed si dum fragilis toleramus pondera carnis:
Nullus compareat/qui sic sine crimine viuat:
Et caueat factis/aut nō delinquere verbis:
Circum christum deprecamur/vt si in aliq; offen-
dit iste pater/dignetur indulgere.

Titulus sancte Marie Louleii cenobij.

Caudito trāsitu beatissimi eremite Brunonis/ce-
nomanēsis mater ecclesia/trigenariū ei fecit annuer-
sarium/depositiōis diem celebratura.

Titulus sancti Iuliani cenomanensis.

Morte tua flendum:nō credimus optime Bruno.
Qui fugiens vanos mundi pereuntis honores:
Angelicam in terris vitam sapiens imitatus:
Corpore adhuc viuens celestia mente petebas.
Corpore ergo malis christo miserāte solutus:
Sedibus etherēis eterna pace frueris.
O vtinam tua sancta sequi vestigia posseni:
Corpore istius quo letus damna subirem.

In memoriam beati Brunonis

Alius titulus eiusdem.

Vixit in ecclesia firmissima Bruno columna.

Occidit vnde decus ecclesie titubat.

Mundalis luget: celestis curia gaudet:

Hec perdit: tantum suscipit illa virum.

Debita nature soluit meliora secutus.

Cui pro morte breui vita perennis erit.

Alius eiusdem.

Ad superos superum cultor sociusq; recessit:

Commendans terre Bruno / quod eius erat.

Sarcinulasq; leues / et agentem pro thea mundum

Despicit: eternas pauper adeptus opes.

Depositum interea cineri miscetur / idemq;

Sperat / et expectat premia sorte pari.

Suspicio angelicas huic exultare cohortes.

Et celi ciues plaudere ciue nouo.

Sexta dies octobris erat: cum Bruno secutus

Naturam: superos exoneratus adit.

Alius eiusdem titulus.

Iste superna petens sincera religione:

Regnat cum sanctis in celesti regione.

Iste laborauit / felix labor / vnde vocauit

Gloria sanctorum: merces miranda laborum

Te: tibi se Bruno dans regnum rege sub vno.

Rege sub hoc dico: maiestas cuius olympo

Fulget: et est sanctis lux / gloria / vita perennis.

Istius ergo decet nos commendare laborem:

Muneris eterni decet et laudare datorem:

Impetret et nobis nostre deuotio laudis:

Munere diuino regnemus rege sub illo.

Titu. sancti Vincentij Lenomanensis.

Si posset lachrymis / et planctu vita reduci:

Cum gemitu magno / et lachrymis / planctuq; pteruo:

Totius florem mundi / clericq; decorem:

Tristis Brunonem lachrymarer luce carentem.

Titu. ecclesie beati Iuliani de Prato.

Isti Brunoni tribuatur vita perennis.

In memoriam beati Brunonis

Spiritus atq; suus celesti sede receptus/
Regnet cum domino/felix sit nunc/et in euo.
Hic vir preclarus vita/doctorq; beatus/
Felix in clero fultit/per dogmata mundo:
Unde pio gemitu/profusus fletibus/et nos
Oremus christum:quo det sibi nunc paradisum.

Titu. scti Mauricij sedis Andegauensis.

Ballia tristatur:calaber populus lachrymatur:
Doctoremq; bonum gemit ista / flet illa patronum.
Vite presentis hec laudat eum documentis.
Eius et eximia celebratur vbiq; sophia.
Plusq; Maronis laudatur lingua Brunonis.
Gloria Platonis vilescit laude Brunonis.
Hic precellebat doctoribus/hic faciebat
Summos doctores/non instituendo minores.
Doctor doctorum fuit hic/non clericorum.
Nam nec honestates verborum/nec grauitates
Sumpsit Brunonis: nisi vir magne rationis:
Rectio prudentis superabat acumina mentis:
Et documentorum doctor satis extitit horum:
His plus perfectam voluit preponere sectam:
Nunciat egregiam diuina docendo sophiam.
Primaq; destruxit:et tanq; friuola duxit.
Dux prius erroris/monstrauit iter melioris
Postea doctrine/que gaudia dat sine fine.
Sed nil mundana sapientia dat/ nisi vana:
Hec facit elatos pompa/facit illa beatos.
Factis complebat operando/quod ore docebat.
Multos sermones faciebat per regiones:
Urbem transiit Romam/calabrosq; petiuit.
Hic abbas factus:est tandem celica nactus.
Hinc gens illa gemit:quia patrem casus ademit.
Cunq; virum talem plozat tam spiritualem:
Non mors pastoris/sed damnum causa doloris.

Titu. scti Florentij Blamuensis cenobij.

In varijs membris corpus distinguitur illud:

In memoriam beati Brunonis.

Cui caput est christus regnator catholicorum.
In quo nos monachi mediocria membra locati:
Credimus excelsos in eo veros eremitas.
De quorum numero te Bruno magne fatentes,
Spretus honor mundi quod nobis testificatur.
Et sancte vite finis bonus astipulatur.
Cum tibi descriptas laudes omnino probemus:
Nosque tuis meritis fulciri posse putemus.
Et tamen orantium fratrum precibus faueamus:
Effudisse preces pro te nos notificamus.
Unde vicem nobis reddendam non dubitamus.

Titulus sancti Nicolai eiusdem urbis.

¶ Necdum vester nostros lares rolliger attigerat: cum
Lambertus abbas noster iam eum susceperat: et de tan-
to patre dignos iam versus ascripserat: illud autem quod
promisit libenter concedimus: et augere iam promissis
iterum promittimus: pro Brunone quem iam cum deo
regnare credimus.

Bruno fuit fons doctrine norma veri dogmatis:
Aristotelis profunda superans et socratis:
Supergrediens platonem: sacri dono chrisimatis:
Vixit homo plus quam homo: pressus mole carnea:
Vivens tamen pressit carnem tendens ad ethera.
Spernens mundum moribundum ob regna celestia.
Vivat Bruno felix celis cum supernis cetibus.
Lernat regem cuius legem conseruauit actibus.
Vosque patres et confratres orate pro fratribus.

Titulus sancte Marie Dolensis cenobii.

¶ Prout vestra dignatur expetere scitias: et nos dolensis ceno-
bii fratres fraternitatis vestre desolationi compassi: pro beati patris nostri
ac magistri Brunonis anima: deuotissimarum orationum suffragia: mox
ut eius audiuimus obitum: omnipotenti domino persolvere curauimus. Ac
preter cetera missarum tricennalium: necnon elemosynarum suffragia:
annue sibi misse beneficium: quod quotidie et annuete domino per-
soluitur: paterne deuouimus dilectionis affectu: insuper et eius
memoriam nostre scripto matricule commendamus: ut quotannis fra-
terne deuotionis affectus ad commendam eum omnipotenti do-
mino eius lecto nomine excitetur.

In memoriam beati Brunonis.

Titulus sancti Michaelis Eremiti.

Mors hominum seua quam nobis attulit eua:
 Omnibus illa nocet: vt liber iste docet.
 Omnes illa terit regnum super omnia querit.
 Iustus Bruno fuit vt liber hic docuit.
 Bruno fuit iustus simplex humilisq; venustus:
 Mors tamen vt voluit viuere non potuit.
 Et quia membra iacent: gemitus pro funere cessent:
 Pro gemitu quonia nullus habet veniam.
 Nos ergo instemus: dominuq; deum rogemus:
 Ante suam faciem: quod sibi det requiem.

Titulus sancte Marie Lucionensis.

Fratres qui estis in Eremito que dicitur Turris:
 notum sit omnibus vobis: quod pro domino Bruno
 none agamus charitative septem vigilias: et septem
 missas: et panem et vinum domino Reginaldo ab-
 bate imperante.

Titulus sancti Petri apo-
stoli Maliacensis.

Concedatur ei locus a domino requies:
 Quem semper coluit viuere dum potuit.

Titulus Ecclesie beati Vincentij
conuentus Noliensium.

Noliensium conuentu in beati Vincentij ecclesia
 iuxta summi patris augustini instituta horis regula-
 ribus psallendo attetu visa schedula que Brunonis in-
 coparabilis philosophi obitu patefecit: tantum timor
 tantusq; horror occupauit: qd vix debitum officium co-
 plere pualuit. Quis enim non obstupesceret: imo ab in-
 timis cordis ingemisceret: cum tantum virum totius scientie
 et pene omnium clericorum lumem et fundamentum nature co-
 cessisse audiret: Sed quia inenitabile constat: et sal-
 uatorem nostrum legem mortis ad horam subisse cre-
 dimus: quod in alijs lugeremus: merorem in Bru-
 none gaudio miramus. Bruno namque veram scien-
 tiam et prudentiam liberalium artium necnon ceteras
 cardinales virtutes habuit et seruauit: quas in bo-
 no fine consumauit. Budu siquidem ecclesie sedis remensum

In memoriam beati Brunonis

summus didascalus: utpote in psalterio/et ceteris
sciētīs luculētissimus:et columna totius metropo-
lis diu extitit. Sed quia hoc totū vere transitoriū
perpēdit:post vitā eremiticā/arctiorē/et inusitatissi-
mā eremū in transmarinis partib⁹ expetijt. Et inde
domino vocante/ad sūmi regis conuiuia letus per-
rexit. Ubi licet angelicum psalterium credamus cū
christo decantare:tamen si quid macule/quoad vi-
ueret/ex originali parēte/seu ex actuali vita/oblutio-
ne/seu incuria contempsit abolere:totius pietatis/
nec nō misericordie fontem/prece et mente oremus
assidue: quaten⁹ ei velit indulgere. Et vt pro eo il-
lud impetrem⁹:continuis septē diebus officiū mor-
tuis debitum/christo persoluemus.

Schola eiusdem loci.

Lumen erat Bruno/ dum vixit/francigenarū.

Lux cleri fruitur nunc lumine celicolarū.

Est etenim tali condignus honore potiri.

Qui vitam vita celestem duxit in ista.

Delirat plane cor habet rationis inane:

Quisquis testatur secus:aut aliud meditat.

Et narrat chartam nobis qui detulit istam.

Si de terrena sibi quicq; fece cohesit.

Illud ab hoc tergat/qui mundi crimina purgat.

Alius titulus eiusdem.

Lux fuerat mundo Bruno dum vixit in isto.

Sed modo relucet:quia celi sede relucet.

Nonuit psalterium/sed nunc canit organa sursum.

Edocuit multos:nunc cernit in ethera sanctos.

Doctor doctorum:nunc vnus celicolarū.

In terris doctor:nunc christo plaudet in alto.

Funde preces ergo pro nobis inclyte Bruno.

Et nos econtra nitentur reddere vota.

Nam cupimus tecum cum christo viuere sursum.

Et decimo cuncti flagitamus in ordine poni.

Titulus scti Pauli apli Lormaricensis

Dominis et fratrib⁹ meis deo omnipotēti in mo-
nasterio sancte marie de eremo/que turris dicitur/ser-
uientib⁹

In memoriã beati Brunonis

nientib⁹ Adainardus/vti mūdo/frui deo. Anno ab
 incarnatiōe dñi nostri iesu christi millesimo centesi-
 mosecūdo calendis nouēbris suscepi rotulū istum.
 legi i eo beatā vtputo aiām suauissimi magistri mei
 Brunonis seculi hui⁹ vaporē transitoriū pseueran-
 do i vera charitate efflauisse. pēnisq; virtutū celestia
 regna subiisse. Gausus vtiq; sup tāti viri glorioso
 fine. sed quia intētio indefessa mihi inerat ad eum in
 breui pgerere: eūq; videre: et audire: oēsq; animi mei
 estus i illū refundere: et vobiscū sub ei⁹ ducatu scē
 trinitati obedire: vltra quā dicere possim: de inopi-
 nato trāsitu ei⁹ p̄turbar⁹ sum. nec retinere potui ha-
 benas vltro pfluētium lachrymar. Adainardus
 inquā ego in Cormaniēsi monasterio monachorū
 plurimoz noie nō ope prior: Remoz ciuitatis oriū
 dus fui. dñi hui⁹ Brunonis aliq̄t ānis doctrinā au-
 diui. deoq; volēte admodū p̄feci. p̄fectusq; mei gra-
 tes dño Brunoni/et si in hacvita reddere nō potui:
 nūc saltē aiē illi⁹ exhibere statui. Habebo itaq; illū/
 omēsq; in christo dilectores ei⁹ in memoriali meo:
 q̄diu spirare potero: vniuersosq; cōuictores meos
 filios/ac fratres spūales ad idē op⁹ p posse meo p-
 uocabo. excitabo. pmouebo. preces. oblatiōes: ele-
 mosynas: p eo nō aliter: nec min⁹: q̄ p meipso offe-
 ram deo trinitati q̄diu fuerit spirit⁹ in narib⁹ meis.

Titulus sancti Saluatoris mundi sanctiq; Hildasij cōfessoris Bolensis.

Bruno cum domino regnat per secula celo.
¶ Quoniā pro omib⁹ hominib⁹ / quos sc̄tā virgo
 mater ecclesia p aquā / et spiritū sanctū / p vniuersa mū-
 di climata / ab omi errore: et primo originali peccato
 emundans / p dies regenerat: debet fideliter ad dñm
 oratio fundi: maxime p illis p̄cū instantia / orōnūq;
 perpes memoria / debet ab omi catholico adhiberi:
 quoz adiutorio / et beneficio credim⁹ posse adiuua-
 ri. Quocirca hui⁹ excellentissimi viri Brunonis au-
 dita a dño vocatiōe: tria officia in cōuētū pleniora
 statuim⁹ pagere. Anima eius requiescat in pace.

In memoriam beati Brunonis
Titulus sancte Marie Tro-
peiensis ecclesie.

Unde deo gratus fuit Bruno/ inde beatus:
Quem si laudarem: non hunc pro laude bearem.
Reddo deo grates/ quod habebat tot bonitates:
Quot possunt dici lingua sapientis amici:
Inde cutis colli/ teritur pre pondere rolli:
Rolligeri collum/ nequit ultra tollere rollum.
Quo tot eum tantis/ scribunt et aula tonantis.
Et sol cum luna/ stellarum cursus/ et vna
Lux/ polus/ aer/ humus/ mare/ tartara/ sulphure/ fumus/
Lividus/ obscenus/ fetensque/ putredine plenus:
Que plaga plutonis procul est a sorte Brunonis.
Ampla fuit charta: nunc parua videtur/ et arcta:
Qua fors/ qua fatum/ qua scribitur omne creatum.
Atque creatoris sine tempore tempus honoris.
Cuius in hac vita/ vite fuit hic eremita:
Quam pius et mitis simplex sine agmine litis.
Dicere si nossem: non est quo scribere possem.
Intus/ et a tergo iam pellis scribitur ergo.
Ultra quid dicam: iam nescio dicere quicquam.
Sed tamen vt crescat benedictio: dico quiescat.
Paci dico datus: cum sit super astra locatus.
Si tamen in fossa fiat caro puluis et ossa:
Non obijt viuit/ patriam redeundo petiuit.
Vivere que Bruno viuit/ possimus in vno.

Finis.